

第五十八

續日本紀

自十五至十九

和書門類

四二七二七號


一三四函架

四〇冊

內閣文庫

一三	四二	和
七	七	

內閣文庫	
番號	和 42727
冊數	40 (10)
函號	137 166



續日本紀卷第十五

起天平十五年正月盡十六年十二月

從四位下行民部大輔兼左衛門督皇太子學士臣菅野朝臣良道等奉

勅探

天璽國神開豐櫻彦天皇

聖武天皇

十五年春正月辛丑朔遣右大臣橘宿禰諸兄在前還恭仁宮

壬寅車駕自紫香樂至癸卯天皇御大極殿百官朝賀

丁未天皇御大安殿宴五位已上賜祿有差壬子御石原宮

樓在東賜饗於百官及有位人等有勅鼓琴任其彈歌五位已

上賜摺衣六位已下祿各有差癸丑為讀金光明寂勝王經請

衆僧於金光明寺其詞曰天皇敬諮四十九座諸大德等弟子

階級宿殖嗣膺寶命思欲宣揚正法導御蒸民故以今年正月十

四日勸請海內出家之衆於所住處限七々日轉讀大乘金光明

寂勝王經又令天下限七々日禁斷殺生及斷雜食別於大養德

園金光明寺奉設殊勝之會欲為天下之招諸德等或一時名輩



或萬里嘉賓僉曰人師咸稱國寶所冀屈彼高明隨茲延請始暢
 慈悲之音終諧微妙之力仰願梵宇增威皇家累慶國土嚴淨人
 民康樂廣及群方綿該廣類同乘菩薩之乘並坐如來之坐像法
 中興實在今日允厥知見可不思哉 二月辛巳以佐渡國并越
 後國 乙未夜月掩熒惑 丁酉夜月掩太白 三月癸卯金光
 明寺讀經竟 詔遣右大臣橘宿祢諸兄等就寺慰勞眾僧 乙
 巳筑前國司言新羅使薩倉金序貞等來朝於是遣從五位下多
 治比真人土作外從五位下葛井連廣成於筑前檢校供宮之事
 夏四月壬申行幸紫香樂以右大臣正二位橘宿祢諸兄左大
 弁從三位巨勢朝臣奈氏麻呂右大弁從四位下紀朝臣飯麻呂
 為留守遣宮內少輔從五位下多治比真人木人為平城宮留守
 乙酉 車駕還宮 辛卯賜陪從五位已上二十八人六位已
 下二千三百七十人祿有差 甲午檢校新羅客使多治比真人

土作等言新羅使調改稱土毛書與注物數舊之舊例大失常禮
 太政官處分宜召水手已上告以失禮之狀便即放却 五月辛
 丑自三月至今日不雨奉幣帛于畿內諸神社祈雨焉 癸卯宴
 群臣於內裏 皇太子親儻五節右大臣橘宿祢諸兄奉 詔奏
 太上天皇曰 天皇大命 命而奏賜 賜久掛 母畏 枝飛鳥淨見御
 原宮 亦大八洲所知 志聖乃天皇命天下 手治賜 比平賜 比所
 坐久上下乎齋 倍和氣 免動久靜 加令有八礼等樂 等二都並 志
 平久長久可有 登隨神 毋所思坐 此乃舞 手始賜 比造賜 比
 聞食 氏與天地共 絕事無久 弥繼 爾受賜 利波行 宇物 氏皇太
 子斯 王 尔學 志頂令 荷 氏我 皇天皇 太前 尔貢事 手奏於 是 太
 上天皇 詔報曰 現神 御大八洲 我子 天皇 乃掛 母畏 枝天皇 朝廷
 乃始賜 比造賜 留寶 國寶 氏等 之此 王乎 令供奉 賜波天 下尔立賜
 比行賜 流部法 波可 絕 枝事 波無 久有 此家 利見聞 喜侍 止奏 賜等 詔

太命予奏又今日行賜布態乎見行波直迹止乃味不在改之天下
人尔君臣祖子乃理予教賜比趣賜尔布止有止奈母所恩須是以
教賜比趣賜何奈受被賜持比不忘不失可有伎表等之一二人
乎治賜那波奈止所思行等頌賜止詔大命乎奏賜止波久奏因御製
歌曰那美都夜麻止乃久尔波可未可良斯多布度久安流羅
之許能末比美例波又歌曰阿麻豆可未美麻乃祢已止乃登理
母知比許能等與美歧遠伊寸多比末都流又歌曰夜湏美斯留
和已於保支美波多比良氣久那何久伊末之比等與美歧麻都
流右大臣橘宿祢諸兄宣詔曰天皇大命等良麻勅久行賜比供
奉賜態尔依而御世御世當比供奉親王等大臣等乃子等乎
始而可治賜伎一二人等選給比治給布是汝等母今日詔大
命期乃等君臣祖子乃理遠忘事無久繼坐身天皇御世御世明
淨心乎以而祖名乎載持而天地與共尔長久遠久仕奉之禮等冠

位上賜比治賜等勅大命衆聞食宣又皇太子宮乃官人尔冠
一階上賜布此中博士等任賜留部下道朝臣真備波冠二階上賜
比治賜等波久勅天皇大命衆聞食宣授右大臣正二位橘宿祢諸
兄從一位正三位鈴鹿王從二位正四位下藤原朝臣豐成從三
位從四位上栗王春日王並正四位下從四位下船王從四位
上无位阿力王御室王並從四位下從五位上矢鈞王正五位下
无位高丘王林王市原王並從五位下從四位下大伴宿祢牛養
石上朝臣乙麻呂藤原朝臣仲麻呂並從四位上正五位上多治
比真人廣足佐伯宿祢常人正五位下下道朝臣真備並從四位
下正五位下多治比真人占部石川朝臣加美從五位上藤原朝
臣八束橘宿祢奈良麻呂正五位下阿倍朝臣虫麻呂佐伯宿祢
清麻呂坂上忌寸犬養並正五位上從五位上阿倍朝臣佐美麻
呂從五位下藤原朝臣河清從五位上紀朝臣清人石川朝臣年

續文獻通考

卷

足背奈王福信並正五位下從五位下大伴宿祢稻君百濟王孝
忠佐味朝臣虫麻呂巨勢朝臣堺麻呂佐伯宿祢稻麻呂並從五
位上外從五位下縣犬養宿祢大國正六位上大伴宿祢駿河麻
呂從六位上大原真人麻呂正六位上中臣朝臣清麻呂佐伯宿
祢毛人並從五位下從六位上下毛野朝臣稻麻呂正六位上高
橋朝臣國足鴨朝臣角足秦并手乙麻呂紀朝臣小楯若犬養宿
祢東人井上忌寸麻呂並外從五位下既而以右大臣從一位橋
宿祢諸兄拜左大臣兵部卿從三位藤原朝臣豐成左大弁從三
位巨勢朝臣奈豆麻呂為中納言從四位上藤原朝臣仲麻呂從
四位下紀朝臣麻路為參議 乙丑 詔曰如聞墾田依養老七
年格限滿之後依例收授由是農夫怠倦開地後荒自今以後任
為私財無論三世一身咸悉永年莫取其親王一品及一位五百
町二品及二位四百町三品及四品三百町四位二百町五位百

町六位已下八位已上五十町初位已下至于庶人十町但郡司
者大領少領三十町生政主帳十町若有先給地過多茲限便即
還公軒作隱欺科罪如法國司在任之日墾田一依前格 丙寅
禁斷諸國司等不往舊館更作新舍又到任一度須給鋪設而雖
經年更亦給之又各置養郡勿令煩資養備前國言邑久郡新羅
邑久浦漂著大魚五十二隻長二丈三尺已下一丈二尺已上皮
薄如紙眼似朱泣聲如鹿鳴故老皆云未嘗聞也 六月癸巳山
背國言今月二十四日自酉至戌宇治河水涸竭行人揭涉 丁
酉以從五位下中臣朝臣清麻呂為神祇大副從五位下當麻真
人鏡麻呂為少納言從五位下多治比真人木人為中務少輔從
五位下藤原朝臣許勢麻呂為中宮亮從五位下高丘王為右大
舍人頭從五位下林王為圖書頭外從五位下小野朝臣絕手為
內藏頭從五位下大原真人麻呂為式部少輔外從五位下大伴

宿祢三中為兵部少輔從四位下大市王為刑部卿正五位上平
群朝臣廣成為大輔外從五位上倭武助為典藥頭外從五位下
紀朝臣男捐為彈正弼從四位上藤原朝臣仲麻呂為左京大夫
外從五位下鴨朝臣角足為右京亮從五位下多治比真人玉作
為攝津介從四位下下道朝臣真備為春宮大夫皇太子學士如
故正五位下肖奈王福信為亮正五位下藤原朝臣清河為大養
德守從五位下佐伯宿祢毛人為尾張守外從五位下秦井手乙
麻呂為相摸守從五位下百濟王敬福為陸奧守外從五位下葛
井連廣成為備後守從五位下小治田朝臣廣千為讚岐守外從
五位上引田朝臣虫麻呂為土左守 秋七月戊戌朔日有蝕之
庚子 天皇御石原宮賜饗於隼人等授正五位上佐伯宿祢
清麻呂從四位下外從五位下葛井連廣成從五位下外從五位
下曾乃君多利志佐外正五位上外正六位上前君乎佐外從五

位上外從五位上佐須岐君夜麻等久々賣外正五位下 壬寅出雲國司言
楯縫出雲二郡雷雨異常山岳顛崩壞戶舍埋田畝 庚寅地震
癸亥行幸紫香樂宮以左大臣橘宿祢諸兄知太政官事鈴鹿
王中納言巨勢朝臣奈豆麻呂為留守 八月丁卯朔幸鴨川改
名為宮川也 乙亥上總國言去七月大風雨數箇日雜木長三
四丈已下二三尺已上一萬五千許株漂著部內海濱也 九月
壬寅正五位上石川朝臣賀美授從四位下 己酉免宮奴斐太
從良賜大友史姓斐太始以大坂沙治平石之人也 丁巳甲賀
郡調庸准畿內收之又免當年田租 冬十月辛巳 詔曰朕以
薄德恭養大位志存兼濟勤撫人物雖率土之濱已霑仁恕而普
天之下未給法恩誠欲賴三寶之威靈乾坤相泰修萬代之福業
動植咸榮粵以天平十五年歲次癸未十月十五日發菩薩大願
奉造廬舍那佛金銅像一軀盡國銅而鎔象削大山以構堂廣及

法界為朕知識遂使同蒙利益共致善提夫有天下之富者朕也
有天下之勢者朕也以此富勢造此尊像事之易成心之難至但
恐徒有勞人無能感聖或生誅謗及墮罪辜是故預知識者懇發
至誠各招介福宜每日三拜廬舍那佛自當存念各造廬舍那佛
也如更有人情願持一枝草一把土助造像者恣聽之國郡等司
莫因此事侵擾百姓強令收斂布告遐迩知朕意矣 壬午東海
東山北陸三道二十五國調庸等物皆令貢於紫香樂宮 乙酉
皇帝御紫香樂宮為奉造廬舍那佛像始開寺地於是行基法
師率弟子等勸誘眾庶 十一月丁酉 天皇還恭仁宮 車駕
留連紫香樂凡四月焉 戊申宴群臣於內裏外從五位下倭武
助授從五位下五位已上賜祿有差 十二月己丑始運平城器
仗收置於恭仁宮 辛卯始置筑紫鎮西府以從四位下石川朝
臣加美為將軍外從五位下大伴宿禰百世為副將軍判官二人

主典二人初壞平城大極殿并步廊遷造於恭仁宮四年於茲其
功總畢矣用度所費不可勝計至是更造紫香樂宮仍停恭仁宮
造作焉
十六年春正月丙申朔廢朝饗五位已上於朝堂 庚戌任裝束
次第司為幸難波宮也 戊午太政官奏鎮西府將軍准從五位
官判官准從六位官主典准從七位官倍給二季祿及月料並留
應入京調庸物相折通融隨時便給又特賜公廨田將軍十町副
將八町判官六町主典四町奏可之 辛酉給鎮西府印一面
閏正月乙丑朔 詔喚會百官於朝堂問曰恭仁難波二京何定
為都各言其志於是陳恭仁京便宜者五位已上二十三人六位
已下百五十七人陳難波京便宜者五位已上二十三人六位已
下一百三十人 戊辰遣從三位巨勢朝臣奈底麻呂從四位上
藤原朝臣仲麻呂就市問定京之事市人皆願以恭仁京為都但

續日本書紀卷五

六

有願難波者一人願平城者一人 癸酉更仰京職令諸寺百姓皆作舍宅 乙亥 天皇行幸難波宮以知太政官事從二位鈴鹿王民部卿從四位上藤原朝臣仲麻呂為留守是日安積親王緣脚病從櫻井頓宮還丁丑薨時年十七遣從四位下大市王紀朝臣飯麻呂等監護葬事親王 天皇之皇子也母夫人正三位縣犬養宿祢廣乃自從五位唐之女也 二月乙未遣少納言從五位上淡田王子恭仁宮取驛鈴內外印又遣諸司及朝集使等於難波宮 丙申中納言從三位巨勢朝臣奈弐麻呂持留守官所給鈴印詣難波宮以知太政官事從二位鈴鹿王木工頭從五位上小田王兵部卿從四位上大伴宿祢牛養大藏卿從四位下大原真人櫻井太輔正五位上穗積朝臣老五人為恭仁宮留守治部太輔正五位下紀朝臣清人左京亮外從五位下巨勢朝臣嶋村二人為平城宮留守 甲辰幸和泉宮 丙午免天下馬飼

雜戶人等因 勅曰汝等今負姓人之所耻也所以原免同於平民但既免之後汝等手伎如不傳習子孫子孫降前姓欲從卑品又放官奴婢六十人從良 丁未 車駕自和泉宮至 甲寅 運恭仁宮高御座并大楯於難波宮又遣使取水路運漕兵庫器仗 乙卯恭仁京百姓情願遷難波宮者恣聽之 丙辰幸安曇江遊覽松林百濟王等奏百濟樂 詔授无位百濟王女天從四位下從五位上百濟王慈敬從五位下孝忠金福並正五位下戊午取三嶋路行幸紫香樂宮 太上天皇及左大臣橘宿祢諸兄留在難波宮焉 庚申左大臣宣 勅云今以難波宮定為皇都宜知此城京戶百姓任意往來 三月甲戌石上楨井二氏樹大楯槍於難波宮中外門 丁丑運金光明寺大般若經致紫香樂宮比至朱雀門雜樂迎奏官人迎禮引導入宮中奉置安殿請僧二百轉讀一日 戊寅難波宮東西樓殿請僧三百人令讀大

般若經 夏四月丙午紫香樂宮西北山火城下男女數千餘人皆趣伐山然後火滅 天皇嘉之賜布人一端 甲寅廢造兵鍛冶二司 丙辰以始營紫香樂宮百官未成司別給公廩錢惣一千貫交關取息求充公用不得損失其本每年限十一月細錄本利用狀令申太政官 五月庚戌肥後國雷兩地震八代天草葺北三郡官舍并田二百九十餘町民家四百七十餘區人千五百二十餘口被水漂没山崩二百八十餘所廢死人四十餘人並加賑恤 六月壬子雨水 秋七月癸亥 太上天皇幸智努離宮 丁卯故正四位下紀朝臣男入與故從五位下紀朝臣國益相訴奴婢依刑部判賜國益男正五位下清人既而清人上表悉從良焉 戊戌 太上天皇幸仁歧河陪從衛士已上無問男女賜祿各有差 己巳 車駕還難波宮 甲申 詔曰四畿內七道諸國々別割取正稅四万束以入僧尼兩寺各二万束每年出舉

以其息利求支造寺用 八月乙未 詔授蒲生郡大領正八位上佐々貴山君親人從五位下并賜食封五十戶絕一百疋布二百端綿二百屯錢一百貫神前郡大領正八位下佐佐貴山君足人正六位上并絕四十疋布八十端綿八十屯錢四十貫斯二人並伐除紫香樂宮邊山木故有此賞焉 九月甲戌遣巡察使於畿內七道以從四位下紀朝臣飯麻呂為畿內使正五位下石川朝臣年足為東海道使正五位上平郡朝臣廣成為東山道使從五位下石川朝臣東人為北陸道使正五位下百濟王金福為山陰道使外從五位下大伴宿禰三中為山陽道使外從五位下臣勢朝臣嶋村為南海道使從四位上石上朝臣乙磨為西海道使外從五位下大養德宿禰小東人為次官道別判官一人主典一人 乙酉 勅八道巡察使等曰是行使等檢問事條國郡官司依實報答者縱當死罪咸原而論若有經問不臣被使勘權者事

雖細小依法不容使宜懇告示一事以上准 勅施行 丙戌
勅領三十二條於巡察使事具別勅因勅曰凡項聞諸國郡官
人等不行法令空置卷中無畏憲章擅求利潤公氏歲弊私門日
增朕之股肱豈合如此自今以後宜依領條每四考終必加訪察
奏聞即隨善惡黜陟其人遂令涇渭殊流賢愚得所若有巡察使
諂曲為心昇降失理當寘法律以明勸但無偏黨清風肅俗故
自常班處以榮秩宜告所司知朕意焉又口勅十三條具在別勅
又 勅曰為檢天下諸國政績治不令差巡察使分道發遣但此
年以來所任使人訪察不精黜陟有監吏民由是未肅風化所以
尚權改令具定事條仰令巡檢唯恐官人不練明科多犯罪愆還
陷法網仍垂非常之思特開自訴之路其國郡官司雖犯謀反大
逆常赦所不免咸悉除免一切勿論但情懷奸偽不肯吐實使人
存意再三喻示若是因執猶不首伏者依法科罪普天卒土宜知

朕懷焉又口勅五條語具別記 己丑 詔曰今聞僧網任意用
印不依制度宜令進其印置大臣所自今以後一依前例僧網之
政亦申官符報給鎮西府驛鈴二口 冬十月辛卯律師道慈法
師卒天平元年法師俗姓額田氏添下郡人也性聰悟為眾所推
大寶元年隨使入唐涉覽經典尤精三論養老二年歸朝是時釋
門之秀者唯法師及神叡法師二人而已著述愚志一卷論僧尼
之事其略曰今察日本素細行佛法軌模全異大道俗傳聖教
法則若順經典能護國土如違憲章不利人民一國佛法万家修
善何用虛設豈不慎乎弟子傳業者于今不絕屬遷造大安寺於
平城 勅法師勾當其事法師尤妙工巧構作形製皆稟其規模
所有匠手莫不歎服焉卒時年七十有餘 乙未左大臣家令正
六位上余義仁授外從五位下 庚子 太上天皇行幸玳努及
竹原并離宮 辛丑賜郡司十四人爵一級高年一人六級三人

九級行所經大鳥和泉日根三郡百姓年八十以上男女穀人有
 差 壬寅 太上天皇還難波宮 十一月壬申甲賀寺始建廬
 舍那佛像體骨柱 天皇親臨手引其繩于時種々樂共作四大
 寺衆僧僉集觀施各有差 癸酉 太上天皇幸甲賀宮 丙子
 太上天皇自難波至 庚辰授正五位上藤原朝臣八束正五
 位下紀朝臣清人並從四位下外從五位下大宅朝臣君子田邊
 史難波並從五位下 十二月庚寅有星孛於將軍 壬辰今天
 下諸國藥師悔過七日 丙申度二百人此夜於金鐘寺及朱雀
 路燃燈一万坏

續日本紀卷十五

續日本紀卷第十六 起天平十七年正月盡天平十八年十二月

從四位下行民部大輔兼左兵衛督皇太子學士臣菅野朝臣真澄等奉

勅撰

天璽國押開豐櫻彥天皇 聖武天皇

十七年春正月己未朔廢朝乍遷新京伐山開地以造宮室垣牆
 未成繞以帷帳令兵部卿從四位上大伴宿祢牛養衛門督從四
 位下佐伯宿祢常人樹大楯槍石上楯并二氏倉卒不是日宴五
 位已上於御在所賜祿有差 乙丑 天皇御大安殿宴五位已
 上 詔授從四位上大伴宿祢牛養從三位從五位下阿貴王從
 五位上无位依羅王從五位下從四位上藤原朝臣仲麻呂正四
 位上正五位下阿倍朝臣沙弥麻呂藤原朝臣清河並正五位上
 從五位上石川朝臣麻呂紀朝臣宇美並正五位下從五位下三
 國真人廣庭多治比真人屋主藤原朝臣許勢麻呂並從五位上
 外從五位下紀朝臣廣名紀朝臣男楯正六位上石川朝臣名人

縣犬養宿祢須奈保大伴宿祢古麻呂大伴宿祢家持並從五位
下外從五位上宗形朝臣赤麻呂外正五位上外從五位下巨勢
斐多朝臣嶋村高丘連河內並外從五位上正六位上路真人野
上栗田朝臣堅石大伴宿祢名負太朝臣德足鴨朝臣石角布勢
朝臣多祢難福子田邊史高額檜原造東人並外從五位下又授
无位衣縫女王石川女王泰女王並從四位下无位父米女王冰
上女王毘田女王巨勢女王並從五位下外從五位上佐味朝臣
稻敷外從五位下縣犬養宿祢八重无位中臣朝臣真敷並從五
位下外從五位上尾張宿祢小倉黃文連許志朝倉君時小槻山
君廣虫並外正五位下无位中臣小殿連真度外從五位下箭集
宿祢堅石並外從五位上正六位上槻本連若子正六位下熊野
直廣濱粟凡直若子若湯坐宿祢繼女氣太十千代飯高君笠目
无位大石村主廣嶋古仁深思上部真善忍海連伊賀虫古仁虫

名栗栖史多祢女淡田宿祢予來並外從五位下宴訖賜祿有差
百官主典已上於朝堂賜饗祿亦有差 巳卯 詔以行基法師
為大僧正 二月壬子以從五位下佐伯宿祢毛人為伊勢守正
五位下大伴宿祢兄麻呂為美濃守 夏四月戊子朔市西山火
庚寅寺東山火 甲午散位從四位下三室王卒 乙未伊勢
國真木山火三四日不滅延燒數百餘町即仰山背伊賀近江等
國撲滅之 戊戌宮城東山火連日不滅於是都下男女競往臨
川埋物焉 天皇備駕欲幸大丘野 庚子夜微雨火乃滅止
壬寅徵鹽燒王令入京 庚戌大藏卿從四位上大原真人門部
卒 壬子正六位上託陀真玉養德畫師楯戶弁麻呂葛井連諸
會茨田宿祢牧麻呂丹比間人宿祢和珥麻呂正七位下國君麻
呂並授外從五位下 甲寅 詔依巡察使上奏原免天下諸國
去年田租又緣有所念大赦天下其自天平十七年四月二十四



日昧爽以前大辟罪已下罪無輕重已發覺未發覺已結正未結正繫囚見從咸悉赦除但犯八虐罪死者免死長禁私鑄錢及徒者著馱長役鑄錢司強盜竊盜常赦所不免不在赦限其流人到配所者准此簡擇特令會恩是日通夜地震三日三夜美濃國樽館正倉佛寺堂塔百姓廬舍觸處崩壞 乙卯散位正四位下春日王卒 五月戊午朔地震 己未地震令京師諸寺限一七日轉讀寂勝王經筑前筑後豐前豐後肥前肥後日向七國无姓人等賜所願姓是日太政官召諸司官人等問以何處為京皆言可都平城 庚申地震遣大膳大夫正四位下栗栖王於平城藥師寺仁宮 辛酉地震遣大膳大夫正四位下栗栖王於平城藥師寺請集四大寺衆僧問以何處為京僉曰可以平城為都 壬戌地震日夜不止是日 車駕還恭仁宮以參議從四位下紀朝臣麻路為甲賀宮留守 癸亥地震 車駕到恭仁京泉橋于時百姓

遙望 車駕拜謁道左共構萬歲是日到恭仁宮 甲子地震遣右大弁從四位下紀朝臣飯麻呂掃除平城宮時諸寺衆僧率淨人童子等爭來會集百姓亦盡出里無居人以時當農要慰勞而還 乙丑地震於大安藥師元興々福四寺限三七日令讀大集經自四月不雨不得種藝因以奉幣諸國神社祈雨焉 丙寅地震發近江國民一千人令減甲賀宮邊山火 丁卯地震讀大般若經於平城宮是日恭仁京市人徙於平城曉夜爭行相接無絕 戊辰奉幣帛於諸陵是時甲賀宮空而無人盜賊充斥火亦未滅仍遣諸司及衛門衛士等令收官物是日行幸平城以中宮院為御在所舊皇后宮為宮寺也諸司百官各歸本曹 癸酉地震 乙亥地震 天皇親臨松林倉廩賜陪從人等穀有差 壬午制死位皇親給春秋服者自今已後上日不滿一百四十不在給例計上日七十給春秋服冬亦如之但給乳母王不在此限又柶格萊嫡王者直

得王名不在給服之限是月地震異常往往圻裂水泉涌出 六月庚寅遣左衛士督從四位下佐伯宿祢淨麻呂奉幣帛于伊勢太神宮 辛卯復置太宰府以從四位下石川朝臣加美為大貳從五位上多治比真人牛養外從五位下大伴宿祢三中並為少貳 庚子筑前國宗形郡大領外從八位上宗形朝臣與呂志授外從五位下是日樹宮門之大楯 秋七月庚申遣使祈雨焉 壬申地震 癸酉地震 戊寅典侍從四位上大宅朝臣諸姊卒 八月己丑給太宰府管内諸司印十二面 甲午從五位下中臣熊凝朝臣百嶋除中臣為熊凝朝臣 庚子設無遮大會於大安殿焉 己酉地震 壬子正三位山形女王薨淨廣壹高市皇子之女也 癸丑行幸難波宮以中納言從三位巨勢朝臣奈氏麻呂藤原朝臣豐成為留守 甲寅地震 九月丙辰地震 戊午知太政官事兼式部卿從二位鈴鹿王薨高市皇子之子也以

正五位上橘宿祢奈良麻呂為攝津大夫正五位下百濟王全福為尾張守外從五位下田邊史高額為參河守民部卿正四位上藤原朝臣仲麻呂為兼近江守從五位下縣犬養宿祢須奈保為丹後守從五位下大原真人麻呂美作守外從五位下井上忌寸麻呂為紀伊守正五位下紀朝臣宇美為讚岐守外從五位下車持朝臣國人為伊豫守外從五位上文忌寸馬養為筑後守 丁卯以從五位上巨勢朝臣璪麻呂為式部少輔 己巳禁斷三年之內天下殺一切完 辛未 勅朕頃者枕席不安稍延旬日以為治道有失民多羅罪宜可大赦天下常赦所不免咸赦除之其年八十以上及鰥寡惇獨并病疾之徒不能自存者量加賑恤 壬申從五位下藤原朝臣乙麻呂為兵部少輔從五位上佐味朝臣虫麻呂為越前守 癸酉散位從四位下中臣朝臣名代卒 天皇不豫 勅平城恭仁留守固守宮中悉追孫王等詣難波宮

遣使取平城宮鈴印又令京師畿內諸寺及諸名山淨處行藥師
 悔過之法奉幣祈賀茂松尾等神社令諸國所有鷹鷄並以放去
 度三千八百人出家 甲戌令播磨守正五位上阿倍朝臣虫麻
 呂奉幣帛於八幡神社令京師及諸國寫大般若經合一百部又
 造藥師像七軀高六尺三寸并寫經七卷 丙子中納言從三位
 巨勢朝臣奈氏麻呂等言巨勢朝臣等久時所訴奴婢二百三人
 今既訴請從良許之 丁丑平城中宮請僧六百人令讀大般若
 經 巳卯 車駕還平城是夕宿宮池驛 庚辰至平城宮 冬
 十月戊子論定諸國出舉正稅每國有數但多櫛對馬兩嶋者並
 不入限 辛亥河內國司言右京人尾張王於部內古市郡古市
 里田家庭中得白龜一頭長九分闊七分兩目並赤 十一月乙
 卯遣玄昉法師造筑紫觀世音寺 巳巳宴五位巳上於內裏賜
 祿有差但年七十以上別加賜被 庚午收僧玄昉封物 庚辰

制諸國公廩大國四十万束上國三十万束中國二十万束就中
 大隅薩摩兩國各四万束下國十万束就中飛驒隱岐淡路三國
 各三万束志摩國壹歧嶋各一万束若有正稅數少及民不肯舉
 者不必滿限其官物欠負未納之類以茲令填不許更申又令諸
 國停止仕丁之廩 十二月戊戌遷恭仁宮兵器於平城
 十八年春正月癸丑朔廢朝 丙寅地震 巳卯正三位牟漏女
 王薨贈從二位栗隈王之孫從四位下美努王之女也 庚辰右
 京人上部乙麻呂之妻大辛刀自賣一產三女給正稅四百束
 辛巳地震夜亦震 壬午地震 二月巳丑改騎舍人為授刀舍
 人 三月丁巳以正四位上藤原朝臣仲麻呂為式部卿從四位
 下紀朝臣麻呂為民部卿外從五位上秦忌寸朝元為主計頭
 巳未外從七位下出雲臣弟山授外從六位下為出雲國造 勅
 曰朕君臨四海憂勞兆民未致隆平稍有慙德粵得治部卿從四

位上石上朝臣乙麻呂等奏備正五位下河內國守大伴宿祢古
德斐解備於所部古市郡內右京人尾張王獲白龜一頭長闊短
小形象異常者謹檢瑞圖及援神契云王者德澤浴則神龜來考
道行則地龜出實合大瑞者斯蓋乾坤垂福宗社降靈河洛呈祥
幽明協度祇對天貺喜懼交懷孤以薄德何堪忝受百官共悅良
當朕意宜天下六位以下皆加一級孝子順孫義夫節婦及力田
者二級唯正六位上免當戶今年租其進龜人特叙從五位下賜
物准例出龜郡者免今年租調 壬戌以正五位上平群朝臣廣
成爲式部太輔正五位上橘宿祢奈郎麻呂爲民部太輔正五位
下石川朝臣麻呂爲宮內太輔從五位下大伴宿祢家持爲少輔
丁卯 勅曰興隆三寶國家之福田撫育萬民先王之茂典是
以爲令皇基永固寶胤長兼天下安寧黎元利益仍講仁王般若
經於是伏聞其教以慈爲先情感寬仁事深隱惻宜天平十八年

三月十五日昧爽以前大辟以下罪無輕重未發覺已發覺未結
正已結正繫囚見徒咸赦除之但八虐故殺人謀殺殺訖私鑄錢
強竊二盜常赦所不免者不在赦限 戊辰太政官處分九寺家
買地律令所禁比年之間占賣繁多於理高量深乖憲法宜令京
及畿內嚴加禁制以從四位上三原王爲大藏卿 丙子常陸國
鹿嶋郡中臣部二十烟占部五烟賜中臣鹿嶋連之姓 夏四月
巳酉以從五位下甘南備真人神前爲刑部太輔外從五位下大
養德宿祢小東人爲攝津亮從五位下百濟王敬福爲上總守從
四位上石上朝臣乙麻呂爲常陸守正五位下石川朝臣年足爲
陸奥守 丙戌以左大臣從一位橘宿祢諸兄爲兼太宰帥中納
言從三位藤原朝臣豐成爲兼東海道鎮撫使參議式部卿正四
位上藤原朝臣仲麻呂兼東山道鎮撫使中納言從三位巨勢朝
臣奈氏麻呂爲兼北陸山陰兩道鎮撫使參議從三位大伴宿祢

牛養為兼山陽道鎮撫使參議從四位下紀朝臣麻呂為兼南海道鎮撫使 壬辰以正五位下百濟王孝忠為左中弁從四位下大市王為內匠頭從五位下紀朝臣廣名為大學頭從四位上安宿王為治部卿從五位下多治比真人土作為民部少輔從四位下多治比真人廣足為形部卿從四位上船王為彈正尹外從五位下大伴宿祢三中為長門守從五位下紀朝臣男指為太宰少貳 庚子以從五位下小田王為因幡守 壬寅以從五位下依羅王為大炊頭外從五位下鴨朝臣石角為主殿頭外從五位下小野朝臣綱手為上野守 癸卯授正四位上藤原朝臣仲麻呂從三位正四位下智努王正四位上從四位上三原王正四位下從四位下諱從四位上從五位下小田王從五位上元位額田部王伊香王山村王並從五位下從四位上石上朝臣乙麻呂正四位下從四位下紀朝臣麻路從四位上正五位上多治比真人占

部阿倍朝臣沙弥麻呂藤原朝臣清河正五位下大伴宿祢兄麻呂並從四位下正五位下石川朝臣年足正五位上從五位上多治比真人國人正五位下從五位下粟田朝臣馬養從五位上外從五位下大伴宿祢麻呂田口朝臣三田次為奈真人馬養粟田朝臣堅石當麻真人廣名紀朝臣可比佐大伴宿祢三中大伴宿祢名負大伴宿祢百世路真人宮守引田朝臣虫麻呂下毛野朝臣稻麻呂太朝臣德足路真人野上車持朝臣國人高橋朝臣國足鴨朝臣石角穗積朝臣老人布勢朝臣多祢大伴宿祢犬養笠朝臣蓑麻呂小野朝臣東人小野朝臣經手紀朝臣必登鴨朝臣角足正六位下藤原朝臣宿奈麻呂正六位上阿倍朝臣毛人波多朝臣足人佐伯宿祢濱足坂合部宿祢金經采女朝臣人阿曇宿祢大足中臣朝臣益人縣犬養宿祢古麻呂正六位下巨勢朝臣君成正六位上大神朝臣麻呂佐伯宿祢全成大養德忌寸佐

續日本紀卷之六

十一

留並從五位下正六位上津史馬人大鳥連大麻呂船連吉麻呂
土師宿祢牛勝王生使主字太麻呂中臣九連張弓出雲臣屋麻
呂清原連道並外從五位下 巳酉 勅一位以下初位以上馬
從多數甚無制度其一位十二人二位十人三位八人四位六人
五位四人六位以下二人自今已後永為恒式但職事一位二位
不在此例 五月癸丑從四位下紀朝臣清人為武藏守 戊午
外從五位上菅生古麻呂巨勢斐太朝臣鳴村物部依羅朝臣人
會高丘連阿內外從五位下榑原造東人小治田朝臣諸人民忌
寸真指並授從五位下 庚申禁諸寺競買百姓墾田及園地永
為寺地 丙子令諸國依舊進仕丁之廡 六月丙戌地震 壬
辰從五位下高丘王授從四位下无位大養德宿祢麻呂女從五
位下 巳亥僧玄昉死玄昉俗姓阿刀氏靈龜二年入唐學問唐
天子尊昉准三品令著紫袈裟天平七年隨大使多治比真人廣

成還歸賞經論五千餘卷及諸佛像來皇朝亦施紫袈裟著之尊
為僧正安置內道場自是之後榮寵日盛稍乖沙門之行時人惡
之至是死於徒所世相傳云為藤原廣嗣靈所害 壬寅以從五
位下石川朝臣名人為內藏頭從五位下引田朝臣虫麻呂為水
工頭從五位下物部依羅朝臣人為信濃守從五位下藤原朝
臣宿奈麻呂為越前守從五位下大伴宿祢家持為越中守 秋
七月辛亥朔遣使於畿內祈雨焉 八月丁亥以從五位下伊香
王為雅樂頭外從五位下土師宿祢牛勝為諸陵頭從五位下中
臣朝臣益人為主稅頭外從五位下壬生使主字太麻呂為右京
亮 壬寅置齋宮寮以從五位下路真人野上為長官 九月庚
戌朔外從五位下秦忌寸大魚為下野守外從五位下客君狗麻
呂為土左守 壬子先是縣女王為齋王至是發入大臣已下送
出門外諸司亦送至京外而還 壬戌地震 癸亥以從五位下

續日本紀卷十六

藤原朝臣宿奈麻呂為上總守從五位下百濟王敬福為陸奧守
從五位下大伴宿祢駿河麻呂為越前守 戊辰以從五位下紀
朝臣廣名為少納言正五位下石川朝臣麻呂為中務太輔從四
位下山背王為右大舍人頭從五位下穗積朝臣老人為內藏頭
從五位下久勢王為大學頭從五位上淡田王為宮內太輔從五
位下多治比真人木人為下總守 己巳以正四位下石上朝臣
乙麻呂為右大弁從四位下佐伯宿祢清麻呂為皇后宮大夫從
五位下縣犬養宿祢古麻呂為治部少輔從五位下藤原朝臣乙
麻呂為兵部太輔從五位下阿倍朝臣子嶋為少輔從五位下巨
勢斐太朝臣嶋村為刑部少輔從五位下紀朝臣可比佐為大藏
少輔從五位下波多朝臣足人為宮內少輔從五位下多治比真
人犢養為左京亮正五位上平群朝臣廣成為攝津大夫正五位
上石川朝臣年足為春宮負外亮從四位下紀朝臣飯麻呂為常

陸守從五位下高丘連河內為伯耆守從五位上多治比真人屋
主為備前守從五位上栗田朝臣馬養為筑前守從五位下大伴
宿祢百廿為豐前守 甲戌民部卿從四位上紀朝臣麻呂為兼
右衛士督 戊寅恭仁宮大極殿施入國分寺 閏九月乙酉无
位鹽燒王授本位正四位下從五位下百濟王敬福從五位上
戊子正六位上依羅我孫忍麻呂授外從五位下從五位下高橋
朝臣國足為越後守 辛卯地震 冬十月癸丑日向國風雨共
發養蚕損傷仍免調庸 甲寅天皇太上天皇皇后行幸金鐘
寺燃燈供養廬舍那佛前後燈一萬五千七百餘坏夜至一更
使數千僧令擎脂燭贊歎供養繞佛三匝至三更而還宮 丁巳
令安藝國造船二艘 丁卯從四位下道朝臣真備賜姓吉備
朝臣 癸酉正五位下百濟王孝忠為太宰大貳 十一月壬午
以春宮負外亮正五位上石川朝臣年足為兼左中弁從五位下

笠朝臣養麻呂為中務少輔從五位上巨勢朝臣堺麻呂為式部
大輔從五位下大伴宿祢犬養為少輔從四位下石川朝臣加美
為兵部卿 十二月丁巳停七道鎮撫使又京畿內及諸國兵士
依舊點差是年渤海人及鐵利惣一千一百餘人慕化來朝安置
出羽國給衣糧放還

續日本紀卷第十六

續日本紀卷第十七 起天平十九年正月盡天平勝宝元年十二月

從四位下民部輔兼左兵衛督皇太子學士臣菅野朝臣真道等奉

勅撰

天皇 天璽國押開豐櫻彦天皇

十九年春正月丁丑朔廢朝 天皇御南苑宴侍臣 勅曰

朕寢膳違和延經歲月顧已推物尚可矜慈宜大赦天下救濟憂
苦其自天平十九年正月一日昧爽已前流罪已下罪無輕重已
發覺未發覺已結正未結正繫囚見徒咸悉赦之但死罪者降一
等鑄錢人首及強竊二盜常赦所不免不在赦限 壬辰國見真
人真城改賜大宅真人姓 丙申 御南苑宴五位已上諸司主
典已上賜酒肴授正四位上智努王從三位正四位下三原王正
四位上從四位下多治比真人廣足從四位上正五位上石川朝
臣年足平群朝臣廣成正五位下大伴宿祢古慈備正五位上橘
宿祢奈良麻呂並從四位下正五位下石川朝臣麻呂百濟王孝

續日本紀卷第十七

九

忠紀朝臣宇美並正五位上從五位下大伴宿祢百世從五位上
巨勢朝臣堺麻呂並正五位下從五位下當麻真人鏡麻呂阿倍
朝臣嶋麻呂藤原朝臣乙麻呂並從五位上外從五位下大養德
宿祢小東人正六位上縣犬養宿祢小山守布勢朝臣宅主大野
朝臣横刀小野朝臣田守並從五位下正六位上黃文伊如麻呂
池上君大歳萬木連戶主並外從五位下无位井上内親王二品
无位難波王飛鳥田王並從四位下无位長柄王久勢王池上王
並從五位下无位藤原朝臣殿刀自授正四位上外從五位上盧
郡君從四位下无位穗積朝臣多理從五位下 癸卯 制令七
道諸國沙弥尼等於當國寺受戒不須更入京 二月丁卯以去
年亢旱年穀不稔 詔為治產業賜大臣已下諸司戈長上已上
稅布并鹽各有差 戊辰大倭河内攝津近江伊勢志摩丹波出
雲播磨美作備前備中紀伊淡路讚岐一十五國飢饉因加賑恤

三月戊寅命婦從五位下尾張宿祢小舍授從四位下為尾張
國々造 乙酉以從四位下藤原朝臣八束為治部卿從五位下
阿倍朝臣毛人為玄蕃頭從五位下大伴宿祢三中為刑部大判
事從五位下額田部王為大藏大輔從五位下布勢朝臣宅主為
右京亮從五位下榑原造東人為駿河守從四位下秦忌寸嶋麻
呂為長門守 丙戌以從四位下石川朝臣年足為春宮大夫從
四位下石川朝臣加美卒 辛卯改大養德國依舊為大倭國
夏四月己未紀伊國疫早賑給 丁卯 天皇御南苑大神主從
六位上大神朝臣伊可保大倭神主正六位上大倭宿祢水守並
授從五位下以外從五位下葛井連諸會為相摸守 五月丙子
朔以從五位下中臣朝臣益人為神祇大副從五位下石川朝臣
名人為少納言外從五位下文忌寸黑麻呂為主稅頭從五位下
中臣朝臣清麻呂為尾張守 戊寅太政官奏曰封戶人數緣有

續日本紀卷之七

七

多少所輸雜物其數不等是以官位同等所給殊差於法准量理實不堪請每一戶以正丁五六人中男一人為率則用鄉別謀口二百八十中男五十擬為定數其田租者每一戶以四十束為限不合加減奏可之 庚辰 天皇御南苑觀騎射走馬是日 太上天皇詔曰昔者五日之節常用菖蒲為縵比來已停此事從今而後非菖蒲縵者勿入宮中 丁亥地震 庚寅於南苑講說仁王經令天下諸國亦同講焉 辛卯刀田外從五位下前部室公授外從五位下其妻久米舍人妹女外少初位上 癸巳近江讚岐二國飢賑恤 六月戊申長門國守從四位下秦忌寸嶋麻呂卒 辛亥正五位下背奈福信外正七位下背奈大山從八位上背奈廣山等八人賜背奈王姓外從五位下茨田弓東從八位上茨田牧野宿祢姓外從五位下出雲屋麻呂臣姓 己未於羅城門季 丁亥從五位上多治比真人中養為豐後守 秋七月辛

已 詔曰自去六月京師亢旱由是奉幣帛名山禱雨諸社至誠無驗苗稼焦凋此蓋朕之政教不德於民乎宜免左右京今年田租 八月丙寅賜正六位上赤添造廣足赤添高麻呂等九人常世連姓 九月乙亥河內國人大初位下阿保連人麻呂錢一千貫越中國人无位礪波臣志留志米三千碩奉廬舍那佛智識並授外從五位下 丙申以從五位下縣犬養宿祢古麻呂為少納言從五位下路真人野上為大監物從五位上佐味朝臣虫麻呂為治部大輔從五位下小野朝臣東人為少輔 冬十月癸卯朔日有蝕之 乙巳 勅曰春宮少屬從八位上御方大野所願之姓思欲許賜然大野之父於 淨御原朝庭在皇子之列而緣微過遂被廢退朕甚哀憐所以不賜其姓也 辛亥正六位上市往泉麻呂賜世連姓 乙卯外從五位下氣太十千代等八人賜氣太君姓 丙辰伊勢國人從六位上伊勢直大津等七人賜中臣

續日本紀卷十七

七

伊勢連姓 十一月丙子以外從五位下中臣九連張弓為皇后
宮亮從四位上多治比真人廣足為兵部卿從四位下多治比真
人占部為刑部春宮大夫兼學士從四位下吉備朝臣真備為右
京大夫從五位下坂合部宿祢金網為信濃守從五位上茨田王
為越中守正五位下大井王為丹波守從五位上粟田朝臣馬養
為備中守 巳卯 詔曰朕以去天平十三年二月十四日至心
發願欲使國家永固聖法恒修遍 詔天下諸國國別令造金光
明寺法華寺其金光明寺各造七重塔一區并寫金字金光明經
一部安置塔裏而諸國司等怠緩不行或處寺不便或猶未開基
以為天地災異一二顯來蓋由茲乎朕之股肱豈合如此是以差
從四位下石川朝臣年足從五位下阿倍朝臣小嶋布勢朝臣宅
主等分道發遣檢定寺地并察作狀國司宜與使及國師簡定勝
地勒如營繕又任郡司勇幹堪濟諸事專令主當限來三年以前

造塔金堂僧房悉皆令了若能契 勅如理修造之子孫無絕任
郡領司其僧寺屋寺水田者除前入數已外更加田地僧寺九十
町屋寺四十町便仰所司懇開應施普告國郡知朕意焉 巳亥
賜无位高橋王佐保真人姓 十二月乙巳以從五位下大伴宿
祢犬養為少納言從五位上當麻真人鏡麻呂為民部大輔 乙
卯 勅項者 太上天皇枕席不安稍經弦朔醫藥療治未見効
驗宜大赦天下自天平十九年十二月十四日昧爽以前大辟罪
以下咸赦除之但八虐故殺人私鑄錢強竊二盜常赦所不免者
不在赦限 勅天下諸國或有百姓情願造塔者悉聽之其造地
者必立伽藍院內不得濫作山野路邊若備儲畢先申其狀
二年春正月壬申朔廢朝宴五位已上於內裏賜祿有差其餘於
朝堂賜饗焉 甲戌大倭連深田魚名並賜宿祢姓 戊寅 天
皇御南殿宴五位以上授正五位上坂上忌寸犬養從四位下正

六位上角朝臣道守從五位下正六位上律史秋主外從五位下
宴訖賜祿有差 二月己未授從三位巨勢朝臣奈氏麻呂正二
位正四位上三原王正四位下石上朝臣乙麻呂並從三位從四
位上紀朝臣麻路正四位上從四位上多治比真人廣足從四位
下大伴宿祢兄麻呂並正四位下從四位下佐伯宿祢淨麻呂佐
伯宿祢常人並從四位上正五位上石川朝臣麻呂百濟王孝忠
紀朝臣宇美並從四位下正五位下巨勢朝臣堺麻呂背奈王福
信並正五位上多治比真人屋主藤原朝臣巨勢麻呂並正五位
下從五位下石川朝臣名人鴨朝臣角足氏忌寸真捉並從五位
上外從五位下若犬養宿祢東人國若麻呂正六位上百瀨王元
忠藤原朝臣魚名多治比真人石足佐伯宿祢乙首名久米朝臣
湯守柿本朝臣市守粟田朝臣奈勢麻呂石川朝臣豐人平群朝
臣人足田中朝臣少麻呂大伴宿祢御依阿倍朝臣鷹養津嶋朝

臣家虫佐味朝臣廣麻呂建部公豐足日下部宿祢大麻呂並從
五位下外從五位下陽侯史真身外從五位上正六位上高市連
大國外從五位下 辛酉從五位上佐伯宿祢稻麻呂贈從四位
上 壬戌進知識物人等外大初位下物部連換子嶋外從六位
下田可臣真東外少初位上大友國麻呂從七位上漆部伊波並
授外從五位下 乙丑授從五位上佐味朝臣虫麻呂正五位下
從五位下葛井連廣成從五位上外從五位上陽侯史真身從五
位下 三月戊寅宣勅朕以薄德君臨四海夙興夜寢憂勞兆
民然猶風化未治犯禁者多是訓導之不明非黎首之愆各万方
有罪在予一人咸洗瑕穢更令自新宜大赦天下自天平二十年
三月八日昧爽已前大辟已下咸悉赦除 己卯正六位上葛城
忌寸豐人授外從五位下 壬午以從五位下巨勢朝臣君成為
下野守 壬辰從三位藤原朝臣豐成授從二位拜大納言從三

續日本紀卷之二十一

五

位藤原朝臣仲麻呂正三位正四位下大野廣瀨粟田等並正四位上從四位上河内女王正四位下夏四月庚申太上天皇崩於寢殿春秋六十有九辛酉以從三位智努玉石上朝臣乙麻呂從四位上黃文王從四位下大市王正四位上紀朝臣麻路從四位下藤原朝臣八束為御裝束司六位已上八人從三位三原王從四位上石川王道祖王從四位下紀朝臣飯麻呂吉備朝臣真備為山作司六位已下八人從五位上阿倍朝臣嶋麻呂外從五位下丹比間人宿禰若麻呂為養役夫司六位已下十人勅令左右京四畿内及七道諸國舉哀三日壬戌於大安寺誦經甲子於山穉寺誦經丙寅當初七於飛鳥寺誦經自是之後每至七日於京下寺誦經焉丁卯勅天下悉素服是日火葬太上天皇於佐保山陵五月丁丑勅令天下諸國奉為太上天皇每至七日國司自親潔齋皆請諸寺僧尼聚集於一

寺敬禮讀經巳丑右大史正六位上秦老等一千二百餘烟賜伊美吉位六月壬寅正三位藤原夫人薨贈太政大臣武智麻呂之女也癸卯令百官及諸國釋服秋七月戊寅正六位下中臣部千稻麻呂賜中臣葛野連姓正八位下山代真大山等三人並賜忌寸姓丙戌從五位下大倭御手代連麻呂女賜宿禰姓奉為太上天皇寫法華經一千部戊戌河内出雲二國飢賑恤之八月辛丑近江播磨飢賑給之賜外從五位下高市大國連姓癸卯改定釋奠服器及儀式乙卯八幡大神祀部從八位上大神宅女從八位上大神社女並授外從五位下巳未車駕幸散位從五位上葛井連廣成之宅延群臣宴飲日暮留宿明日授廣成及其室從五位下縣犬養宿禰八重並正五位上是日還宮冬十月乙丑詔免京畿七道諸國田租丁亥正七位下廣幡牛養賜秦姓十一月巳丑下道朝臣乙吉備直事廣

續日本紀卷十七

七

三人並賜吉備朝臣姓 十二月甲寅遣使鎮祭佐保山陵度僧
 尼各一千
 天平勝寶元年春正月丙寅朔廢 朝始從元日七日之內令天
 下諸寺悔過轉讀金光明經又禁斷天下殺生 己巳比年頻遭
 元陽五穀不登官人妻子多有飢乏於是文武官及諸家司給米
 人別月六斗 乙亥上總國飢賑給之 二月丁酉大僧正行基
 和尙遷化和尙藥師寺僧俗姓高志氏和泉國人也和尙真粹天
 挺德範夙彰初出家讀瑜伽唯識論即了其意既而周遊都鄙教
 化衆生道俗慕化追從者輒以千數而行之處聞和尙來巷无居
 人爭來禮拜隨器誘導咸趣于善又親率弟子等於諸要害處造
 橋築陂聞見所乃咸來加功不日而成百姓至今蒙其利焉 豐
 櫻彦天皇甚敬重焉 詔授大僧正之位并施四百人出家和尙
 靈異神驗觸類而多時人号曰行基菩薩留止之處皆建道場其

畿内凡四十九處諸道亦徃々而在弟子相繼皆守遺法至今住
 持焉覺持年八十 庚子下總國旱蝗飢饉賑給之 丙午石見
 國疫賑給之 丙辰以朝庭路頭屢拔匿名書下 詔教誡百官
 及大學生徒以禁將來 天平二年二月丁巳陸奧國始貢
 黃金於是奉幣以告畿内七道諸社 壬戌 勅曰頃年之間補
 任郡領國司先於譜第優劣身才能不舅甥之列長幼之序擬申
 於省式部更問口狀比投勝否然後選任或譜第雖輕以勞薦之
 或家門雖重以拙却之是以其緒非一其族多門苗裔尚繁濫詐
 無次各迷所欲不顧礼義孝悌之道既衰風俗之化漸薄朕竊思
 量理不可然自今已後宜改前例簡定立郡以來譜第重大之家
 嫡々相繼莫用傍親終塞爭訟之源永息竊窹之望若嫡子有罪
 疾及不堪時務者立替如令以從五位下大倭宿祢小東人為攝
 津亮從五位下紀朝臣飯麻呂為大倭守 三月乙丑朔日有蝕

之 丁卯左大舍人頭從四位下高丘王卒 夏四月甲午朔
天皇幸東大寺御廬舍那佛像前殿北面對像 皇后太子並侍
焉群臣百寮及士庶分頭行列殿後 勅遣左大臣橘宿禰諸兄
白佛三寶乃奴止仕奉 天皇命廬舍那像能太前仁奏賜此部
奏又此大倭國者天地開闢以來 命黃金波人國獻言波有
斯地者無物止念部流聞看食國中 能東方陸奧國守從五位上
百濟王敬福伊部内少田郡仁黃金在奏 獻此遠聞食驚後悅
備貴備念波廬舍那佛乃慈賜比福波賜物 有止念開受賜里
恐理戴持百官乃人等率 禮拜仕奉事 遠挂畏三寶乃太前
恐毛无久奏賜波久奏從三位中務卿石上朝臣乙麻呂宣現神
御宇倭根子天皇詔旨宣大命親王諸王諸臣百官人等天下公
民衆降命宣高天原 天降坐之天皇御世乎始天中今至
余天皇御世御世天日嗣高御座止坐氏治賜比惠賜來流食國

天下乃業止奈 神奈我娘所念行止宣大命衆聞食宣如久治賜
比惠賜本流天日嗣乃業止 今皇朕御世余當氏坐者天地乃
心遠勞弥空弥辱美恐美坐余聞食之國乃東方陸奧國乃小田
郡余金出在止奏氏進礼此遠所念波種之法中波佛御言久國
家護我多仁波勝在止聞召食國天下乃諸國余宸勝王經乎坐
廬舍那佛化奉止為氏天坐神地坐祇乎祈禱奉挂畏遠我皇
天皇御世治氏拜仕奉利衆人乎伊謝比率氏仕奉心波禍息氏
善成危變氏全平辨念氏仕奉間余衆人波不成齋疑朕波金少
止年念憂都在余三寶乃勝神杖大御言驗乎蒙利天坐神地坐神
乃相宇豆比奈奉佐杖倍波奉利又天皇御靈乃知惠賜比撫賜夫事
從氏顯自示給天物在鞘念召受賜利歡受賜利遺進母不知退
母不知夜日畏恐麻所念波天下遠撫惠備賜事理余坐君乃御
代余當氏可在物乎拙久多豆何氏奈朕時余顯自示給礼辱美愧

讀白...

心

美奈念須是以朕一人波貴大瑞乎受賜牟天下共頂受賜利歡
 自理可在等神奈我娘念坐賦奈眾乎惠賜比治賜比御代年号
 尔字加賜止宣天皇大命眾聞食宣辞別氏宣大神宮乎始
 氏諸神多知御戶代奉利諸祝部治賜夫又寺个尔墾田地許奉
 利僧網乎始氏眾僧尼敬問比治賜比新造寺乃寺止可成波宮
 寺止成賜夫天御陵守任奉人等一二治賜天又御世御世尔當
 久天下奉賜比國家護仕奉流事乃勝在臣多知侍所波量表氏
 與天地共人尔不令悔不令穢治賜止宣大命眾聞食宣又天日
 嗣高御座乃業止坐事波進波挂畏天皇大御名乎受賜利退
 波婆婆大御祖乃御名乎蒙之食國天下對撫賜惠賜奈神奈
 我娘念坐流是以王多大臣乃子等治賜自伊天皇朝尔仕奉利
 婆婆尔仕奉波可在加以挂畏近江大津宮大八嶋國所知之
 天皇大命止之奈良宮大八州國所知自我皇天皇止御世重

氏朕宣自大臣乃御世重天明淨心以氏仕奉事尔依氏奈天日
 嗣波平安久問召來流此辞忌給奈弃給止宣比大命乎受賜利
 恐麻汝乎知惠賜比治賜止宣大命眾聞食宣又三國真人石川朝臣鴨
 朝臣伊勢大鹿首波部可治賜人奈自氏簡賜比治賜天又縣犬養
 橘夫人乃天皇御世重氏明淨心以氏仕奉利皇朕御世當氏
 無急緩事久助仕天奉利加以祖父大臣乃殿門荒穢須事无久
 守之自事伊蘓美之字牟賀美斯忌不給止自氏孫等一二治賜天又
 為大臣氏仕奉留臣多知子等男波隨仕奉狀氏種个治賜比
 女不治賜是以所念波男能父名負氏女波伊婆礼物个阿礼
 立雙仕奉自理在耻奈念須父我加久斯康在止念氏於母夫氣
 教部事不過不告家門不荒自天皇朝尔仕奉耻自氏汝乎知治
 賜天又大伴佐伯宿祢波常母云云天皇朝守仕奉事願奈人
 等尔阿礼波汝多知祖耻母云來久海行波美内屍山行波草須年

屍王乃幣曾去死米能杼波介不死云來流人等母止奈聞石須是
以遠天皇御世治氏今朕御世介當城內兵止心中結母止波遣
須故是以子波祖乃心成伊子波介可在此心不失昭明淨心以氏
仕奉止自氏男女並氏一二治賜夫又五位已上子等治賜天六
位已下介冠一階上給比東大寺人等二階加賜比正六位上波介
子一人治賜夫又五位已上及皇親年十三已上无位大舍人等
至于諸司仕下麻氏大御手物賜夫又高年人等治賜比困乏人
惠賜比孝義有人其事免賜比力田治賜夫罪人赦賜夫又王生
治賜比知物人等治賜夫又見出金人及陸奧國介司郡司百姓
至麻氏治賜比天下乃百姓衆乎撫賜比惠賜止宣天皇大命
衆聞食宣授正三位巨勢朝臣奈氏麻呂從二位從三位大伴宿
祢牛養正三位從五位上百濟王敬福從三位從四位上佐伯宿
祢淨麻呂佐伯宿祢常人並正四位下從四位下阿陪朝臣沙弥

麻呂橘宿祢奈良麻呂多治比真人占部並從四位上從五位下
藤原朝臣永子從四位下從五位上大伴宿祢稻君正五位下從
五位下大伴宿祢家持佐伯宿祢毛人並從五位上正六位上藤
原朝臣千尋藤原朝臣繩麻呂佐伯宿祢鞆正六位下藤原朝
臣真從並從五位下進知識物人外從八位下池田舍人部常世
外從八位上小田臣根成二人並外從五位下正三位橘夫人從
二位從四位上藤原朝臣吉日從三位從五位上藤原朝臣表比
良女藤原朝臣駿河古並正五位下无位多治比真人手婆賣多
治比真人若日賣石上朝臣國守藤原朝臣百能藤原朝臣弟兄
子藤原朝臣家子大伴宿祢三原佐伯宿祢美勢麻呂父米朝臣
比良女並從五位下以從三位巨勢朝臣奈氏麻呂為大納言正
三位大伴宿祢牛養為中納言 乙未大赦天下自天平二十一
年四月二十一日昧爽以前大辟罪已下咸悉赦除 戊戌詔授

續日本紀卷之六

十一

從五位下中臣朝臣益人從五位上正六位上忌部宿祢鳥麻呂
從五位下伊勢太神宮祢宜從七位下神主首名外從五位下因
遣民部卿正四位上紀朝臣麻路神祇大副從五位上中臣朝臣
益人少副從五位下忌部宿祢鳥麻呂等奉幣帛於伊勢太神宮
丁未 天皇幸東大寺御大廬舍那佛前殿大臣以下百官及
士庶皆以次行列 詔授左大臣從一位攝宿祢諸兄正一位以
大納言從二位藤原朝臣豐成拜右大臣授從五位下市原王從
五位上无位三使王岸野王三形王倭王額田部王多治比王厚
見王葛木王大坂王出雲王三河王長嶋王高嶋王並從五位下
從五位下國君麻呂從五位上无位別君廣麻呂從五位下外從
五位下高市連大國外從五位上正六位上蓋高麻呂吉田連兄
人並外從五位下又授二品多紀内親王一品從三位竹野王正
三位无位攝宿祢通何能正四位上改天平二十一年為天平感

寶元年 戊申大臣以下諸司任丁以上賜祿各有差京畿内僧
尼等施物亦各有差 辛亥正六位上丹羽臣真咋授外從五位
下 乙卯陸奥守從三位百濟王敬福貢黃金九百兩 五月戊
辰无位御浦王授從四位下正六位上中臣伊勢連大津外從五
位下又從七位上陽侯史令珍正八位下陽侯史令珪從八位上
陽侯史令珍從八位下陽侯史人麻呂並授外從五位下四人並
是真身之男各貢錢千貫也 戊寅上野國碓水郡人外從七位
上石上部君諸弟尾張國山田郡人外從七位下生江臣安人等
伊豫國宇和郡人外大初位下允真鎌足等各獻當國分寺知
識物並授外從五位下 庚寅鰥寡孤獨及疾疹之徒不能自存
者給穀五斗孝子順孫義夫節婦表其門閭終身勿事力田人者
无位叙位一階陸奥國者免三年調庸小田郡者永免其年限者
待後 勅自餘諸國者國別一年免二郡調庸每年相替周盡諸

郡又咸免天下今年田租 閏五月甲午朔從四位上攝宿祢奈
良麻呂從五位上阿倍朝臣嶋麻呂並為寺從正五位下多治比
真人屋主為左大舍人頭從五位下攝本朝臣市守為丹後守從
五位下小野朝臣田守為太宰少貳 壬寅於宮中度一千人
癸卯 詔朕以寡薄恭兼寶祚恒恐累二儀之覆載虧兆庶之具
瞻徒積憂勞政事如闕神之貽咎實由朕躬比者時屬炎蒸寢膳
乘豫百寮惶灼左右勒劬今欲克順天心消除災氣乃求改往之
術深謝在予之懋則宜流漁汙之恩施蕩滌之政河大赦天下自
天平感寶元年閏五月十日昧爽已前大辟已下咸赦除之但殺
其父母及毀佛尊像者不在此例 甲辰陸奧國介從五位下佐
伯宿祢全成鎮守判官從五位下大野朝臣橫刀並授從五位上
大掾正六位上余足人獲金人上總國人大部大麻呂並從五位
下左京人无位朱牟須賣外從五位下私度沙弥小田郡人九子

連宮麻呂授法名應室入師位治金人左京人戶淨山大初位上
出金山神主小田郡下部深淵外少初位下是日伊勢齋王為
遭二親喪自齋宮退出 癸丑 詔捨大安藥師元興福東大
五寺各絕五百足綿一千屯布一千端稻一十萬束墾田地一百
町去陞寺絕四百足綿一千屯布八百端稻一十萬束墾田地一
百町崇福香山藥師建興法花四寺各絕二百足布四百端綿一
千屯稻一十萬束墾田地一百町因發御願曰以花嚴經為本一
切大乘小乘經律論抄疏章等必為轉讀講說悉令盡意遠限日
月窮未來際今故以茲資物敬捨諸寺所冀 太上天皇沙弥勝
滿諸佛擁護法藥薰質万病消除壽命延長一切所願皆使滿足
令法久住拔濟群生天下太平兆民快樂法界有情共成佛道飛
驛國大野郡大領外正七位下飛驒國造高市麻呂上野國勢多
郡小領外從七位下上毛野朝臣足人各獻當國國分寺知識物

五位下以正三位藤原朝臣仲麻呂為大納言從三位石上朝臣
乙麻呂紀朝臣麻呂正四位上多治比真人廣足並為中納言正
四位下大伴宿禰兄麻呂從四位上橘宿禰奈良麻呂從四位下
藤原朝臣清河並為參議是日改感宝元年為勝宝元年 乙未
從六位上阿倍朝臣石井正六位上山田史日女嶋正六位下竹
首乙女並授從五位下並天皇之乳母也 乙巳定諸寺墾田地
限大安藥師興福大倭國法花寺諸國分金光明寺寺別一千町
大倭國國分金光明寺四千町元興寺二千町弘福法隆四天王
崇福新藥師建興下野藥師寺筑紫觀世音寺寺別五百町諸國
法華寺寺別四百町自餘定額寺寺別一百町 八月癸亥正六
位上阿倍朝臣綱麻呂授從五位下外從五位下小槻山君廣虫
正五位下外從五位下出雲臣麻呂外從五位上從六位上田邊
史廣瀨外從五位下 辛未以從五位下大原真人麻呂石川朝

為日相為一

十一

臣豐人並為少納言從五位下大伴宿禰古麻呂為左少弁大納
言正三位藤原朝臣仲麻呂為兼紫微令參議正四位下大伴宿
禰兄麻呂式部卿從四位上石川朝臣年足並為兼大弼從四位
下百濟王孝忠式部大輔從四位下巨勢朝臣堺麻呂中衛少將
從四位下背奈王福信並為兼少弼正五位上阿倍朝臣虫麻呂
伊豫守正五位上佐伯宿禰毛人左兵衛率正五位下鴨朝臣角
足從五位下多治比真人土作為兼大忠外從五位上出雲臣
屋麻呂衛門負外佐外從五位下中臣九連張弓吉田連兄人葛
木連戶王並為少忠從五位下藤原朝臣綱麻呂為侍從從五位
下御方大野為圖書頭從五位下別公廣麻呂為陰陽頭從三位
三原王為中務卿從四位上安宿王為大輔正五位上葛井連廣
成從五位下藤原朝臣真從並為少輔中納言從三位紀朝臣麻
路為兼式部卿從五位下多治比真人犢養為少輔神祇大副從

續日本紀卷之二

十一

五位上中臣朝臣益人為兼民部大輔從五位下阿倍朝臣鷹養
 為主計頭從五位下紀朝臣廣名為主統頭正五位下大伴宿祢
 稻君為兵部大輔從五位上大伴宿祢犬養為山背守從五位上
 石川朝臣名人為上總守外從五位下茨田宿祢抄麻呂為美作
 守 乙亥從四位下尾張宿祢小倉卒 壬午大隅薩摩兩國隼
 人等貢御調并奏土風歌儻 癸未 詔授外正五位上曾乃君
 多利志佐從五位下外從五位下前君乎佐外從五位上外正六
 位上曾縣主歧直志自羽志加祢保佐々並外從五位下 九月
 戊戌制紫微中臺官位令一人正三位官大弼二人正四位下官
 少弼三人從四位下官大忠四人正五位下官少忠四人從五位
 下官大疏四人從六位上官少疏四人正七位上官 甲辰正五
 位下藤原朝臣表比良女授從四位下 冬十月庚午 行幸河
 內國智識寺以外從五位下茨田宿祢弓束女之宅為行宮 乙

亥幸石川之上志紀大懸安宿三郡百姓年百以下小兒已上賜
 綿有差又免三郡百姓所負正稅本利自餘諸郡免利收本陪從
 諸司賜綿亦各有差 丙子河內國寺六十六區見住僧尼及沙
 弥沙弥尼賜純綿各有差外從五位下茨田宿祢弓束女授正五
 位上是日 車駕還大郡宮 丙戌无位石津王授從五位下正
 七位上倉首於須美外從五位下 十一月辛卯朔八幡大神祢
 宜外從五位下大神社女主神司從八位下大神田麻呂二人賜
 大神朝臣之姓 乙卯於南藥園新宮大嘗以因幡為由機國美
 濃為須岐國 丙辰宴五位已上授從三位三原王正三位從五
 位上藤原朝臣乙麻呂正五位上正六位上高橋朝臣男河高橋
 朝臣三綱並從五位下從五位上中臣朝臣益人正五位下无位
 秋篠王正七位下當麻真人子老並從五位下 丁巳宴五位已
 上賜祿有差 戊午賜饗諸司主典已上賚祿有差番上人等亦



在祿例 巳未由機湏岐國司從五位上小田王授正五位下正
 四位下大伴宿祢兄麻呂正四位上從四位下大伴宿祢古慈悲
 背奈王福信並從四位上正六位上津嶋朝臣雄子從五位下軍
 毅巳上叙位一級國司及軍毅百姓賜饗并祿 庚申正五位下
 小田王授正五位上是日遷御大郡宮 巳酉八幡大神託宣向
 京 甲寅遣參議從四位上石川朝臣年足侍從從五位下藤原
 朝臣魚名等以為迎神使路次諸國差發兵士一百人以上前後
 駢除又所歷之國禁斷殺生其從人供給不用酒完道路清掃不
 令污穢 十二月丁亥外從五位上高市連大國正六位上內藏
 伊美吉黑人佐伯宿祢今毛人並從五位下正六位上柿本小玉
 從六位上高市連真麻呂並授外從五位下 戊寅遣五位十人
 散位二十人六衛府舍人各二十人迎八幡神於平群郡是日入
 京即於宮南梨原宮造新殿以為神宮請僧四十口悔過七日

丁亥大神祢宜左太朝臣社女其與紫色拜東大寺天皇太上天
 皇太后同亦行幸是日百官及諸氏人等咸會於寺請僧五千礼
 佛讀經作大唐激海興樂五節田儻久米儻因奉大神一品比咩
 神二品左大臣橘宿祢諸兄奉 詔白神曰天皇我御命坐申
 賜止申去辰年河內國大縣郡乃智識寺坐盧舍那佛遠礼
 奉天則朕毛欲奉造止思登得不為之間豐前國宇佐郡坐
 廣幡乃八幡大神申賜勅久神我天神地祇乎率伊左奈比
 天必成奉无事立不有銅湯乎水止成我身遠草木土念食流然猶止
 事無久奈佐牟止勅賜奈我成波歡美貴美奈念食流然猶止
 事不得為天恐登毛礼御冠獻事乎恐毛恐毛申賜止申居社女授
 從四位下主神大神朝臣田麻呂外從五位下施東大寺封四千
 戶奴百人婢百人又預造東大寺人隨勞叙位有差

續日本紀卷第十七終

續日本紀卷第十八 起天平勝宝二年正月盡四年十二月

從四位下行民部大輔兼左衛門督皇太子學士臣菅野朝臣真道等奉

寶字稱德孝謙皇帝

出家歸佛更不奉謚因取寶字二年百官所上尊号稱之

勅撰

二年春正月庚寅朔 天皇御大安殿受朝是日 車駕還大郡

宮宴五位以上賜祿有差自餘五位已上者於藥園宮給饗焉

己亥左降從四位上吉備朝臣真備為筑前守 乙巳授正三位

藤原朝臣仲麻呂從二位正四位上多治比真人廣足從三位從

四位上多治比真人占部正四位下從四位下平群朝臣廣成藤

原朝臣永手並從四位上正五位下藤原朝臣巨勢麻呂正五位

上從五位下大倭宿祢小東人從五位上外從五位下大藏忌寸

廣足調連馬養正六位上下毛野朝臣多具比並從五位下正六

位上秦忌寸首麻呂大石村主真人大原史遊麻呂並外從五位

下左大臣正一位橘宿祢諸兄賜朝臣姓 丙辰從四位上背奈

王福信守等六人賜高麗朝臣姓造東大寺官人已下優婆塞已
上一等三十三人叙位三階二等二百四人二階三等四百三十
四人一階 二月癸亥 天皇御大安殿出雲國造外正六位上
出雲臣等山奏神齋賀事授等山外從五位下自餘祝部叙位有
差並賜純綿亦各有差 戊辰 天皇從大郡宮移御藥師寺宮
乙亥幸春日酒殿唐人正六位上李元環授外從五位下 壬
午益大倭金光明寺封三千五百戶通前五千戶 戊子奉充一
品八幡大神封八百戶前四百二十戶今位田八十町前五十町
町二品比賣神封六百戶位田六十町 三月戊戌駿河國守從
五位下猶原造東人等於部內廬原郡多胡浦濱獲黃金獻之鍊
一分沙於是東人等賜勤臣姓又賜中衛負外少將從五位下田
邊史難波等上毛野君姓 庚子以正四位下多治比真人占部
為攝津大夫從五位下紀朝臣小指為山背守從四位下百濟王

孝忠為出雲守從五位下內藏忌寸黑人為長門守從五位上大
伴宿祢犬養為播磨守正五位上多治比真人國人藤原朝臣乙
麻呂並為太宰少貳 夏四月戊午朔正六位上佐味朝臣乙麻
呂贈從五位下正六位上高向村主老授外從五位下 辛酉
勅比來之間緣有所思歸藥師經行道懺悔兼施思怨兼欲濟人
盡洗瑕穢更令自新仍可大赦天下并免今年四畿內調其私鑄
錢及犯八虐故殺人強盜竊盜常赦所不免者不在赦限但入死
者降一等又中臣占部紀興平麻呂減配中流 五月乙未於中
宮安殿請僧一百講仁王經并令左右京四畿內七道諸國講說
焉 辛丑以從三位百濟王敬福為宮內卿從五位上藤原朝臣
千尋為美濃守外從五位下壬生使主字太麻呂為但馬守 丙
午伊蘓志臣東人之親族三十四人賜姓伊蘓志臣族 辛亥震
中山寺塔并步廊盡燒京中驟雨水潦沆溢又伎人茨田等堤往

往決壞 六月癸亥備前國飢賑給之 秋七月甲辰攝津國王
鴈王大魚賣參河國海真玉依賣一產三兒並給正稅三百束乳
母一人 八月庚申正六位上大伴宿祢伯麻呂外從五位下葛
木連戶主並授從五位下正四位下日置女王從四位上丹生女
王從四位下春日女王並正四位上從四位下難波女王從四位
上无位山代女王從五位下從五位下藤原朝臣家子正五位上
无位當麻真人比禮從五位下 辛未攝津國住吉郡人外從五
位下依羅我孫忍麻呂等五人賜依羅宿祢姓神奴意支奈祝長
月等五十三人依羅物忌姓 九月丙戌朔中納言從三位兼中
務卿石上朝臣乙麻呂薨左大臣贈從一位麻呂之子也正六位
上赤漆造廣足赤漆高麻呂等二十四人賜常世連姓 己酉任
遣唐使以從四位下藤原朝臣清河為大使從五位下大伴宿祢
古麻呂為副使判官主典各四人 冬十月丙辰朔 詔授正五

位上藤原朝臣乙麻呂從三位任太宰帥以八幡大神教也 癸
酉 太上天皇改葬於奈保山陵天下素服舉哀 十一月己丑
左衛士督正四位下佐伯宿祢淨麻呂卒 十二月癸亥授駿河
國守從五位下勤臣東人從五位上獲金人无位三使連淨足從
六位下賜純二十足綿四十屯正稅二千束出金郡免今年田租
郡司主帳已上進位有差又遣大納言藤原朝臣仲麻呂就東大
寺授從五位上市原王正五位下從五位下佐伯宿祢金毛人正
五位上從五位下高市連大國正五位下外從五位下柿奈小玉
高市連真麻呂並外從五位上
三年春正月戊戌 天皇幸東大寺授木工寮長上正六位上神
磯部國麻呂外從五位下 庚子 天皇御大極殿南院宴百官
主典已上賜祿有差踏歌歌頭女孀忍海伊左須錦部河內並授
外從五位下 己酉授正四位上大伴宿祢兄麻呂從三位從四

續日本紀卷之八

二

位上安宿王正四位下從四位下大市王從四位上无位道守王
從五位下正五位上阿倍朝臣虫麻呂多治比真人國人並從四
位下正五位下佐伯宿祢毛人正五位上從五位上多治比真人
家主大衛宿祢小東人並正五位下從五位下高丘連河内百濟
王允忠大伴宿祢古麻呂縣犬養宿祢古麻呂中臣朝臣清麻呂
並從五位上外從五位下余義仁土師宿祢牛勝正六位上三國
真人千國石川朝臣人成為奈真人東麻呂藤原朝臣濱足正六
位下石上朝臣宅嗣並從五位下正六位上甘味神宝文忌寸上
麻呂河内忌寸廣足並外從五位下正三位竹野女王從二位從
三位多藝女王正三位從五位下置始女王正五位下无位吳原
女王從五位下從五位下佐味朝臣稻敷從五位上是日一品多
紀内親王薨 文武天皇之皇女也 辛亥賜正五位下大井王
奈良真人姓无位兼氷王男三宝王甥三影王日根王名邊王无

位廬原王男安曇王三笠王對馬王物部王牧野王孫奈羅王小
倉王无位猪名部王男大隅王坐堤王菟原王三上王野原王礪
波王等三嶋真人无位御船王淡海真人无位等美王内真人无
位壬生王毘屋王美和真人无位清水王男三狩王海上真人田
部王春日真人文成王甘南備真人平群王常陸王志紀真人
二月庚午遣唐使雜色人一百十三人叙位有差 乙亥出雲國
造出雲臣等山奏神賀事進位賜物 己卯典膳正六位下雀部
朝臣真人等言磐余玉穗宮勾金崎宮御宇 天皇御世雀部朝
臣男人為大臣供奉而誤紀巨勢男人大臣真人等先祖巨勢男
柄宿祢之男有三人星川建日子者雀部朝臣等祖也伊刀宿祢
者輕部朝臣等祖也乎利宿祢者巨勢朝臣等祖也淨御原朝庭
定八姓之時被賜雀部朝臣姓然則巨勢雀部雖元同祖而別姓
之後被任大臣當今聖運不得改正遂絕骨名之緒永為無源之

讀本已卷下八

四

氏望請改巨勢大臣為雀部大臣陳名長代示榮後胤大納言從
二位巨勢朝臣奈氏麻呂亦證明其事於是下知治部依請改正
之夏四月丙辰遣參議左大弁從四位上石川朝臣年足等奉
幣帛於伊勢太神宮又遣使奉幣帛於畿內七道諸社為令遣唐
使等平安也 甲戌 詔以菩提法師為僧正良弁法師為少僧
都道璿法師隆尊法師為律師 秋七月丁亥 天皇御南院賜
宴大臣已下諸司主典已上授正六位上紀朝臣伊保從五位下
女孀无位形部勝麻呂外從五位下 八月辛亥朔日有蝕之
冬十月丙辰從五位上伊香王男高城王无位池上王賜甘南備
真人姓 丁巳大倭國城下郡人大倭連田長古人等八人賜宿
祿姓 戊辰布勢真虫賜君姓佐伯諸魚連姓 壬申 詔曰頃
者 太上天皇枕席不穩由是七々日間屈請四十九賢僧於新
藥師寺依續命之法設齋行之仰願聖躰平復室壽長久經云救

濟受苦雜類衆生各免病延年是以依教大赦天下但犯八虐故
殺人私鑄錢強竊二盜常赦所不免者不在赦限 丁丑外從五
位下吉田連兄人授從五位下正六位上谷本忠節外從五位下
十一月丙戌以從四位上吉備朝臣真備為入唐副使 乙丑
勅自天平勝宝元年已前公私債負未納者悉從原免其借貸
者不在此例但身亡者准前
四年春正月己卯朔太宰府獻白龜 辛巳禁斷始從正月三日
迄于十二月晦日天下殺生但緣海百姓以漁為業不得生存者
隨其人數日別給粗二升又鰥寡孤獨貧窮老疾不能自存者量
加賑恤 己丑地動是日度僧九百五十人屋五十人為 太上
天皇不念也 癸卯以正七位下山口忌寸人麻呂為遣新羅使
戊申從六位下山田史君足授外從五位下 二月丙寅陸奧
國調庸者多賀以北諸郡令輸黃金其法正丁四人一兩以南諸

郡依舊輸布 己巳京畿諸國鐵工銅工金作甲作弓削矢作梓
削鞍作鞞張等之雜戶依天平十六年二月十三日詔旨雖蒙
改姓不免本業仍下本貫尋檢天平十五年以前籍帳每色差發
依舊役使 三月庚辰遣唐使等拜朝 甲午中務大輔從四位
下安倍朝臣虫麻呂卒 閏三月丙辰召遣唐使副使已上於內
裏 詔給節刀仍授大使從四位上藤原朝臣清河正四位下副
使從五位上大伴宿祢古麻呂從四位上留學生无位藤原朝臣
刷雄從五位下 己巳太宰府奏新羅王子韓阿唵金泰廉貢調
使大使金暉及送王子使金弼言等七百餘人乘船七艘來泊
乙亥遣使於大內山科惠我直山等陵以告新羅王子來朝之狀
夏四月乙酉盧舍那大佛像成始開眼是日行幸東大寺 天
皇親率文武百官設齋大會其儀一同元日五位已上者著礼服
六位已下者當色請僧一萬既而雅樂寮及諸寺種々音樂並成

來集復有王臣諸氏五節久米儻楯伏踏歌袍袴等歌儺東西發
聲分庭而奏所作奇偉不可勝記佛法東歸濟會之儀未嘗有如
此之盛也是夕 天皇還御大納言藤原朝臣仲麻呂田村弟以
為御在所 辛卯以從四位下藤原朝臣八束為攝津大夫 五
月庚戌正六位上小野朝臣小贄授從五位下女无位藤原朝臣
兒授從五位下 壬子女從六位下鴨朝臣子鯉授從五位下
己丑外從五位下大鳥連大麻呂授從五位下 庚申无位中臣
殿來連竹田賣授外從五位下 丙寅免官奴錄取根足錄取賜
巫部宿祢根足賀茂朝臣 辛未以從五位下多治比真人犢養
為遠江守從五位下巨勢朝臣淨成為下總守從三位百濟王敬
福為常陸守從五位下笠朝臣葦麻呂為上野守從四位上平群
朝臣廣成為武藏守從五位下佐伯宿祢全成為陸奥守從五位
下粟田朝臣奈勢麻呂為越前守從五位上阿倍朝臣嶋麻呂為

伊豫守 六月巳丑新羅王子金泰廉等拜朝并貢調因奏曰新
羅國王言 日本照臨 天皇朝庭新羅國者始自遠朝世々不
絕舟楫並連來奉國家今欲國王親來朝貢進御調而顧念一日
无主國政絕乱是以遣王子韓阿食泰廉代王為首率使下三百
七十餘人入朝兼令貢種々御調謹以申聞 詔報曰新羅國始
自遠朝世世不絕供奉國家今復遣王子泰廉入調兼貢御調王
之勤誠朕有嘉焉自今長遠當加撫存泰廉又奏言普天之下無
匪王土率土之濱無匪王臣泰廉幸逢聖世來朝供奉不勝歡慶
私曰自所備國土微物謹以奉進 詔報泰廉所奉內之 壬辰
外正六位下君子部和氣遠田君小棟遠田君金夜並授外從五
位下是日饗新羅使於朝堂 詔曰新羅國來奉 朝庭者始自
氣長足媛皇太后平定彼國以至于今為我蕃屏而前王兼慶大
夫思恭等言行怠慢闕失恒礼由欲遣使問罪之間今彼王軒英

改悔前過冀親來庭而為顧國政因遣王子泰廉等代而入朝兼
貢御調朕所以嘉歡勤款進位賜物也又 詔自今以後國王親
來宜以辭奏如遣餘人入朝必須令齎表文 丁酉泰廉等就大
安寺東大寺礼佛 秋七月甲寅中務卿正三位三原王薨一品
贈太政大臣舍人親王之也 庚申正四位下粟栖王授從三
位 甲子下總國宍太部阿古賣一產二男二女賜粮并乳母
戊辰泰廉等還在難波館 勅遣使賜純布并酒希 八月庚寅
從京師巫覡十七人配于伊豆隱岐土左等遠國 庚戌中納言
從三位紀朝臣麻路為兼太宰帥 乙丑從三位智努王等賜文
室真人姓 九月丁卯渤海使輔國大將軍慕施蒙等著于越後
國佐渡嶋 冬十月甲戌朔地震 乙亥亦震 戊寅以常陸守
從三位百濟王敬福為檢習西海道兵使判官二人錄事二人
庚辰遣左太史正六位上坂上忌寸老人等於越後國聞渤海客

等消息 辛巳伊世國飯野郡人飯麻呂等十七人賜秦部姓
十一月乙巳正六位上佐伯宿祢美濃麻呂授從五位下復置佐渡
國守一人藤原一人以從四位上藤原朝臣永手為大倭守從五位
下土左朝臣宿奈麻呂為相摸守從五位下大伴宿祢伯麻呂為
上野守從五位下小野朝臣小贄為下野守從五位下佐伯宿祢
美濃麻呂為太宰少貳又以參議從四位上橘朝臣奈良麻呂為
但馬因幡按察使兼令檢校伯耆出雲石見等國非違事 巳酉
勅諸國司等欠失官物雖依法處分而至於郡司未嘗科斷自
今已後郡司亦解見任依法科罪雖有重大譜第不得任用子孫
壬子制諸司無故不上者令放還本貫其有位者為外散位无
位者還從本色 十二月癸酉朔日有蝕之

續日本紀卷第十八終

續日本紀卷第十九 起天平勝室五年正月盡八歲十二月

從四位下行民部大輔兼左兵衛督皇太子學士臣菅野朝臣直道等奉 勅撰

寶字稱德孝謙皇帝

五年春正月癸卯朔廢朝 天皇御中務南院宴五位已上賜祿
各有差 丁未伊勢太神宮神主外從五位下神主首名授外
從五位上內人物忌男四十五人女十六人授位各有差 庚午
從四位上平群朝臣廣成卒 二月辛巳以從五位下小野朝臣
田守為遣新羅大使 辛卯正六位上小田臣枚床授外從五位
下 甲午齋宮大神司正七位下津嶋朝臣小松授從五位下
三月庚午於東大寺設百萬座講仁王經是日飄風起說經不竟
於是以四月九日講說飄風亦發 辛未大納言從二位兼神祇
伯造宮卿巨勢朝臣奈氏麻呂薨 小治田朝小德大海之孫
淡海朝中納言大雲比登之子也 夏四月丙戌 詔曰頃者皇

續日本紀卷第十九

一

大后寢膳不安稍延旬月雖醫藥療治而猶未平復以為政治失宜罹罪有徒天遣此罰警戒朕身其母子之慈貴賤皆同犯罪之徒豈獨無親庶悉洗滌欲救憂苦且大赦天下常赦所不免者咸悉赦除但殺其父母毀佛尊像及強盜竊盜不在此例若有入死減一等 癸巳以正五位下大倭宿祢小東人為參河守從五位下阿倍朝臣小嶋為駿河守從五位下大伴宿祢犬養為美濃守從五位下平群朝臣人足為越後守從四位下巨勢朝臣堺麻呂為丹波守正四位下安宿王為播磨守從五位下安曇宿祢大足為安藝守從五位下石津王為紀伊守外從五位下清原連淨道為筑後守 己亥從五位下葛木連戶主授從五位上 五月庚戌无位篠原王伊刀王並授從五位下 乙丑渤海使輔國大將軍慕施蒙等拜朝并貢信物奏傳渤海王言日本照臨聖天皇朝不賜使命已經十餘歲是以遣慕施蒙等七十五人賚國信物奉

獻闕庭 丁卯饗慕施蒙等於朝堂授位賜祿各有差 六月丁丑慕施蒙等還國賜璽書曰天皇敬問渤海國王朕以寡德虔奉寶圖享壽黎民照臨八極王僻居海外遠使入朝丹心至明深可嘉尚但省來啓無稱臣名仍尋高麗舊記國平之日上表文云族惟兄弟義則君臣或乞援兵或賀踐祚修朝聘之恒式効忠款之懇誠故先朝善其貞節待以殊恩榮命之隆日新無絕想所知之何假一二言也由是先迴之後既賜勅書何其今歲之朝重無上表以禮進退彼此共同王熟思之季夏甚熱比無恙也使人今還指宣往意并賜物如別陸奧國壯鹿郡人外正六位下九子牛麻呂正七位上九子豐嶋等二十四人賜壯鹿連姓 秋七月庚戌散位從四位下紀朝臣清人卒 戊午左京人正八位上石上部君男嶋等四十七人言已親父登與以去大寶元年賜上毛野坂本君姓而子孫等籍帳猶注石上部君於理不安望請隨父姓欲

改正之許焉 八月癸巳陸奧國人大初位下九子嶋足賜牡鹿連姓 九月戊戌朔先位板持連真鈞獻錢百萬授外從五位下 壬寅攝津國御律村南風大吹潮水暴溢壞損廬舍一百十餘區漂沒百姓五百六十餘人並加賑恤仍追海濱居民遷置於京中空地 乙丑從四位上石川朝臣年足授從三位為太宰帥從四位上紀朝臣飯麻呂為大貳 冬十月壬申散位從四位下紀朝臣字美卒 甲戌中務卿從三位栗栖王薨二品長親王之子也 十一月己亥尾張國獻白龜 十二月丁丑免攝津國遭潮諸郡今年田租 己卯西海道諸國秋稼多損免今年田租 六年春正月丁酉朔上野國獻白鳥宴五位已上於內裏賜祿有差 辛丑行幸東大寺燃燈二萬 勅曰初元啓曆獻歲登春天地行仁動植霑惠古昔明主應此良辰必布時和廣施慈令朕雖薄德何不由茲可大赦天下其八虐故殺人私鑄錢強盜竊盜常

續日本紀卷下九

赦所不原者不在赦例但入死者皆減一等 癸卯 天皇御東院宴五位已上有 勅召正五位下多治比真人家生從五位下大伴宿祢麻呂二人於御前特賜四位當色令在四位之列即授從四位下 壬子 天皇御天安殿 詔授從四位上藤原朝臣永手從三位從四位下池田王從四位上橘朝臣奈良麻呂正四位下從四位下石川朝臣麻呂藤原朝臣八束並從四位上正五位上藤原朝臣巨勢麻呂從四位下從五位上高丘連河內正五位下從五位下多治比真人續養小治田朝臣諸人波多朝臣足人大藏忌寸廣尾士師宿祢牛勝上毛野君難波並從五位上正六位上佐伯宿祢大成小野朝臣竹良石川朝臣豐成粟田朝臣人成藤原朝臣武良士後部王吉並從五位下正六位上林連久麻物部山背中臣酒人宿祢虫麻呂高福子日置造真卯黃文連水分大藏忌寸麻呂並外從五位下入唐副使從四位上大伴宿

續日本紀卷下九

三

祢古麻呂來歸唐僧鑒真法進等八人隨而歸朝 癸丑大宰府
奏入唐副使從四位上吉備朝臣真備船以去年十二月七日来
著益久嶋自是之後自益久嶋進發漂蕩著紀伊國年漏埒 丙
寅副使大伴宿祢古麻呂自唐國至古麻呂奏曰大唐大寶十二
載歲在癸巳正月朔癸卯百官諸蕃朝賀天子於蓬萊宮含元殿
受朝是日以我次西畔第二吐蕃下以新羅使次東畔第一大食
國上古麻呂論曰自古至今新羅之朝貢日本國久矣而今列東
畔上我反在其下義不合得時將軍吳懷實見知古麻呂不肯色
即引新羅使次西畔第二吐蕃下以日本使次東畔第一大食國
上 二月己卯正六位上百濟王理伯授從五位下 丙戌 勅
太宰府去天平七年故大貳從四位上小野朝臣老遣高橋連牛
養於南嶋樹牌而其牌經年今既朽壞宜依舊修樹每牌頭著嶋
名并泊船處有水処及去就國行程遙見嶋名令漂著之船知所

歸向 三月丙午遣使奉唐國信物於山科陵 癸丑太宰府言
遣使尋訪入唐第一船其消息云第一船舉帆指奄美嶋去未知
著處 夏四月庚午以從五位上中臣朝臣清麻呂為神祇大副
從五位下秋篠王粟田朝臣人成並為少納言從四位上大伴宿
祢古麻呂為左大弁從五位下石川朝臣豐成為右少弁外從五
位下日置造真卯為紫微中臺少忠從五位下當麻真人子老為
雅樂頭從五位上石川朝臣名人為民部大輔從五位下石川朝
臣豐人為主稅頭從五位上大伴宿祢家持為兵部少輔從四位
上紀朝臣飯麻呂為大藏卿正五位下中臣朝臣益人為造宮少
輔從五位下藤原朝臣武良志為左京亮外從五位下文忌寸上
麻呂為右京亮從三位文室真人珍努為攝津大夫從五位下百
濟王理伯為亮從五位下多治比真人土作為尾張守正五位下
大伴宿祢稻君為上總守從四位上吉備朝臣真備為太宰大貳

從五位下小野朝臣田守為少貳外從五位下黃文連水分為肥前守 壬申入唐廻使從四位上大伴宿祢古麻呂吉備朝臣真備並授正四位下判官正六位上大伴宿祢御笠巨萬朝臣大山並從五位下自餘使下二百二十二人亦各有差 癸未太宰府言入唐第四船判官正六位上布勢朝臣人主等來泊薩摩國石籬浦 五月己酉從五位下石川朝臣豐人為越中守 六月乙丑朔正五位下中臣朝臣益人為神祇大副 秋七月丙午 詔曰頃者大皇太后枕席不安稍延旬月百方救療猶未平復感愴之懷良深岡極朕聞皇天輔德々勝不祥庶施慈令奉頒寶體欲使寢膳如常起居穩便可大赦天下但八虐故殺人鑄錢強盜竊盜常赦所不免者不在赦限此日度僧一百人居七人 丙午授入唐判官正六位上布勢朝臣人主從五位下以從五位上中臣朝臣清麻呂為左中并從五位下阿倍朝臣小嶋為式部少輔外

從五位下壬生使主宇陀麻呂為玄蕃頭從五位下大伴宿祢御依為主稅頭從五位下紀朝臣伊保為大炊頭從五位下忌部宿祢鳥麻呂為典藥頭從五位下布勢朝臣人主為駿河守從五位下阿倍朝臣網麻呂為出雲守從五位下小野朝臣東人為備前守從五位上彼多朝臣足人為備後守 壬子 大皇太后崩於中宮 癸丑以正一位橘朝臣諸兄從三位文屋真人珍努紀朝臣麻路從四位下安宿王從五位下厚見王從四位下多治比真人國人從五位下多治比真人木人紀朝臣男楯阿倍朝臣毛人石川朝臣豐成外從五位下文忌寸上麻呂為御裝束司六位已下十二人從二位藤原朝臣豐成從三位多治比真人廣足藤原朝臣永手從四位上池田王正四位下大伴宿祢古麻呂從四位上文室真人大市正五位上佐伯宿祢今毛人從五位上縣犬養宿祢古麻呂紀朝臣廣名粟田朝臣人成為造山司六位已下二

十一人 八月丁卯正四位下安宿王卒誅人奉誅謚曰千尋葛藤高知天宮姬之尊是日火葬於佐保山陵 九月丙申以正四位下安宿王為兼內匠頭從四位上文室真人大市為大藏卿從四位上紀朝臣飯麻呂為右京大夫從四位上石川朝臣麻呂為武藏守從五位下佐伯宿禰大成為丹後守外從五位下中臣九連張弓為因幡守 丁未 勅如聞諸國司等貪求利潤輸租不實舉稅多欺由是百姓漸勞正倉頗空宜令京及諸國田租不論得不悉皆全輸正稅之利舉十取三但田不熟至免調庸限者准令處分又覽去天平七年格國司等所部文關運物無限者禁斷既訖然猶不肯奉行貪濁成俗朕之股肱豈合如此自今以後更有違犯依法科罪不須矜宥 冬十月乙亥 勅官人百姓不畏惡法私聚徒眾任意雙六至於淫迷子無順父終亡家業亦虧孝道因斯遍仰京畿七道諸國固令禁斷其六位已下無論男女決

杖一百不須蔭贖但五位者即解見任及奪位祿位田四位已上停給封戶職國郡司阿容不禁亦皆解任若有亂告二十人已上者无位叙位三階有位賜絕十疋布十端 巳卯仰畿内七道諸國令置射田 閏十月庚戌從五位下秋篠王男繼成王姪濱名王躬城王愛智王五人賜丘基真人姓外從五位上額田部湯坐連息長授從五位下 辛亥令太宰府鎮祭管内諸國山岡崩壞之處 十一月辛酉朔任巡察使以從四位上池王為畿内使從五位下紀朝臣小橋為東海道使從五位下石川朝臣豐成為東山道使從五位下藤原朝臣武良志為北陸道使從五位上大伴宿禰家持為山陰道使從五位下阿倍朝臣毛人為山陽道使從五位下多治比真人木人為南海道使從四位上紀朝臣飯麻呂為西海道使道別錄事一人 戊辰 勅朕以至款奉為二尊御體平安寶壽增長一七之間屈四十九僧歸依藥師琉璃光佛恭

敬供養其經云懸續命幡燃四十九燈應放雜類衆生竊以放生之中莫若救人宜依茲教可大赦天下但犯八虐故殺人鑄錢強盜竊盜及常赦所不免者不在赦限若入死罪並減一等 辛未大唐學問生无位船連夫子授外從五位下辭而不受以出家故也 甲申藥師寺僧行信與八幡神宮主神大神多麻呂等同意厭魅下所司推勘罪合遠流於是遣中納言多治比真人廣足就藥師寺宣詔以行信配下野藥師寺 丁亥從四位下大神朝臣社女外從五位下大神朝臣多麻呂並除名從本姓社女配於日向國多麻呂於多禰嶋因更擇他人補神宮祢宜祝其封戶位田并雜物一事已上令太宰檢知焉 十二月乙卯左大舍人无位多米王賜高額真人姓是年八月風水畿内及諸國千百姓產業損傷並加賑恤 七年春正月辛酉朔廢朝以諒闇故也 甲子勅為有所思耳改

天平勝寶七年為天平勝寶七歲從七位上山田史廣人從五位上比賣嶋女等七人賜山田御井宿祢姓 甲戌外正六位上九子大國贈從五位下外正六位下六人部藥授外從五位下 三月庚申朔外從五位下山田史君足賜廣野連姓 丁亥八幡太神託宣曰神吾不願矯託神命請取封一千四百戶田一百三十町徒无所用如捨山野宜奉返朝廷唯留常神田耳依神宣行之 夏四月丁未從五位下丘基真人秋篠等二十一人更賜豐國真人姓 五月丁丑大隅國菱苽村浪浮九百三十餘人言欲建郡家許之 六月癸卯安藝國獻白鳥 壬子太宰府管内諸國國別貢兵衛一人采女一人和氣王細川王賜岡真人姓 八月庚子正六位上曰下部宿祢子麻呂食朝臣息人並授從五位下 十月丙午 勅曰比日之間 太上天皇枕席不安寢膳乖宜朕竊念茲情深惻隱其救病之方唯在施惠延命之要莫若濟苦

且大赦天下其犯八虐故殺人鑄錢強盜竊盜常赦所不免者不在赦例但入死罪者減一等鰥寡孀獨貧窮老疾不能自存者量加賑恤兼給湯藥又始自今日至來十二月晦日禁斷殺生遣使於山科大内東西安占真弓奈保山東西等山陵及太政大臣墓奉幣以祈請焉 十一月丁巳遣少納言從五位下厚見王奉幣帛于伊勢大神宮 十二月丁未以從五位下佐伯宿祢美濃麻呂為越前守

八歲春二月丙戌左大臣正一位橘朝臣諸兄致任 勅依請許之 戊申 行幸難波是日至河内國御智識寺南行宮 己酉 天皇幸智識山下大里三宅家原鳥坂等七寺礼佛 庚戌遣内舍人於六寺誦經觀施有差 壬子大雨賜河内國諸社祝祢宜等一百十八人正稅各有差是日行至難波宮御東南新宮 三月甲寅朔 太上天皇幸堀江上 乙卯 詔免河内攝津二

國田祖 戊午遣使攝津國諸寺誦經觀施有差 夏四月丁酉 勅曰頃者太上天皇聖體不豫漸延旬日猶未平復如聞銷災致福莫如仁風救病延年實資德政可大赦天下但犯八虐故殺人鑄錢強盜竊盜常赦所不免者不在赦例若以賊入死減一等鰥寡孀獨貧窮老疾不能自存者量加賑恤 戊辰車駕取澁河路還至智識寺行宮 庚子還宮 乙巳遣使奉幣帛于伊勢大神宮 壬子遣醫師禪師官人各一人於左右京四畿内救療疥疾徒遣從五位下日下部宿祢古麻呂奉幣帛于八幡大神宮 五月乙卯遣左大弁正四位下大伴宿祢古麻呂并中臣忌部等奉幣帛於伊勢太神宮免天下諸國今年田租是日 太上天皇崩於寢殿遺 詔以中務卿從四位上道祖王為皇太子 丙辰遣使固守三關以從二位藤原朝臣豐成從三位文室真人珍努藤原朝臣永手正四位下安宿王從四位上黃文王正四位下橘朝

臣奈良麻呂從四位下多治比真人國人從五位下石川朝臣豐
成為御裝束司六位已下十人從三位多治比真人廣足百濟王
敬福正四位下鹽燒王從四位下山背王正四位下大伴宿祢古
麻呂從四位上高麗朝臣福信正五位上佐伯宿祢今毛人從五
位下小野朝臣田守大伴宿祢伯麻呂為山作司六位已下二十
人外從五位下大藏忌寸麻呂為造方相司六位已下二人從五
位下佐味朝臣廣麻呂佐々貴山君親人為養役夫司六位已下
六人 丁巳於七大寺誦經焉 己未文武百官始素服於內院
南門外朝夕舉哀正四位上春日女王薨 辛酉 太上天皇初
七於七大寺誦經焉 癸亥出雲國守從四位上大伴宿祢古慈
斐內豎淡海真人三船坐誹謗朝廷无久臣之礼禁於左右衛士
府 丙寅 詔並放免戊辰二七於七大寺誦經焉 壬申奉葬
太上天皇於佐保山陵御葬之儀如奉佛供具有師子座香 天

子座金輪幢大小寶幢香幢花繖蓋織之類在路令苗人奉行道
之曲是日 勅曰 太上天皇出家歸佛更不奉謚所司知之
乙亥三七於左右京諸寺誦經焉 勅曰左衛士督從四位下坂上
忌寸犬養右兵衛卒從五位上鴨朝臣虫麻呂久侍禁掖深蒙恩
渥悲情難抑伏乞奉陵朕嘉乃誠仍許所請先代寵臣未見如此
也且表褒賞以勸事君犬養叙正四位上虫麻呂從四位下其所
從授刀舍人二十人增位四等 丙子 勅禪師法榮立性際持
戒第一甚能看病由此請於邊地令侍醫藥 太上天皇得驗多
數信重過人不用他醫爾其閱水難留鸞輿晏駕禪師即誓永絕
人間侍於山陵轉讀大乘奉資冥路朕依所請敬思報德厭俗歸
真財物何富出家慕道冠蓋何榮莫若名流万代以為後生准則
宜復禪師所生一郡遠年勿役 丁丑 勅奉為 先帝陛下屈
請看病禪師一百二十六人者宜免當戶課役但良弁慈訓安寬三

法師者並及父母兩戶然其限者終僧身又和上暨真小僧都良弁華嚴講師慈訓大唐僧法進法華寺鎮慶俊或學業優富或戒律清淨堪聖代之鎮護為去徒之領袖加以良弁慈訓二大德者當于先帝不豫之日自盡心力勞勤晝夜欲報之德朕懷罔極宜和上小僧都拜大僧都華嚴講師拜小僧都法進慶俊並任律師六月乙酉勅遣使於七道諸國催檢所造國分丈六佛像師丙戌五七於大安寺設齋焉僧沙弥合一千餘人庚寅詔曰居喪之礼臣子猶一天下之民誰不行孝宜告天下諸國自今日始迄來年五月三十日禁斷殺生辛卯太政官處分太上天皇供御米鹽之類且充唐和上監真禪師法榮二人永令供養焉壬辰詔曰項者分遣使工檢催諸國佛像宜來年忌日必令造了其佛殿兼使造備如有佛像并殿已造畢者亦造塔令會忌日夫佛法者以慈為先不須因此辛苦百姓國司并使工等若

有稱朕意者特加褒賞丙申六七於藥師寺設齋焉癸卯七於興福寺設齋焉僧并沙弥一千一百餘人甲辰始築怡士城令大宰大貳吉備朝臣真備專當其事焉勅明年國忌御齋應設東大寺其大佛殿步廊者宜令六道諸國營造必會忌日不可怠緩秋七月己巳勅授刀舍人考選賜祿名籍者悉屬中衛府其人數以四百為限闕即簡補但名授刀舍人勿為中衛舍人其中衛舍人亦以四百為限庚午河内國石川郡人漢人廣橋漢人刀自買等十三人賜山背忌寸姓癸酉土左國道原等僧專住誹謗僧細无所狗忌配伊豆嶋八月乙酉以近江國朝書法一百卷施入崇福寺冬十月辛巳朔日有蝕之丁亥太政官處分山陽南海諸國春米自今以後取海路漕送若有漂損依天平八年五月符以五分論三分徵綱二分徵運夫但美作紀伊二國不在此限丙申有白氣貫日癸卯大納言藤原朝臣

仲麻呂獻東大寺米一千斛雜菜一千 十一月丁巳 勅如聞
 出納官物諸司人等苟貪前分巧作逗留稍延旬日不肯收納由
 此擔脚辛苦競為逃歸非直敗治實亦虧化且令彈正臺巡檢自
 今以後勿使更然 丁卯廢新嘗會以諒闇故也檢神祇官記是
 年於神祇官曹
 司行新嘗
 之事矣 十二月庚辰朔自去月雷六日 甲寅申請僧一百
 於東大寺轉讀仁王經焉 乙未先是有恩 勅收集京中孤兒
 而給衣糧養之至是男九人女一人成人因賜高木連姓編附紫
 徽少忠從五位上高木連戶主之戶以成親子之道矣 己亥越
 後丹波丹後但馬因幡伯耆出雲石見美作備前備中備後安藝
 周防長門紀伊阿波讚岐伊豫土左築後肥前肥後豐後日向等
 二十六國國別頒下灌頂幡一具道場幡四十九首緋綱二條以
 充周忌御齋莊餉用了收置金光明寺永為寺物隨事出用之
 庚子 太上天皇御輿丁一人叙四階一人二階五十七人外二

階一百二十六人外一階 己酉 勅遣皇太子及右大弁從四
 位下巨勢朝臣堺麻呂於東大寺右大臣從二位藤原朝臣豐成
 出雲國守從四位下山背王於大安寺大納言從二位藤原朝臣
 仲麻呂中衛少將正五位上佐伯宿祢毛人於外嶋坊中納言從
 三位紀朝臣麻路少納言從五位上石川朝臣名人於藥師寺太
 宰帥從三位石川朝臣年足彈正尹從四位上池田王於元興寺
 讚岐守正四位下安宿王左大弁正四位下大伴宿祢古麻呂於
 山階寺講梵網經講師六十二人其詞曰
 皇帝敬白朕自遭閔凶情深荼毒宮車漸遠號慕無追万痛纏心
 千哀貫骨恒思報德日夜無停聞道有菩薩戒本梵網經功德巍
 々能資逝者仍寫六十二部將說六十二國始自四月十五日令
 終于五月二日是以差使敬遣請屈願眾太德勿辭攝愛欲使叙
 此妙福无上威力翼真路之鸞輿向華藏之寶刹臨紙哀塞書不

多云

續日本紀卷第十九

十一

續日本紀卷第十九

